





30263

Mag. St. Dr.





Historia urbium in Polonia
Leopolis

Limoronicus Bartholomaei: Leopoldi

Russiae metropolis. etc

Cracoviae typis Universitatis.

1693.

~~George Jones~~

LEOPOLIS

Russiae Metropolis,

à

Turcis, Tartaris, Cosacis, Moldavis,

Anno M. DC. LXXII.

hostiliter obsessa,

à

Deo mirificè liberata,

PER

BARTHOLOMÆVM ZIMOROWICZ,

Consulem eiusdem

SCRIPTA.

& A

M. JOANNE STANISLAO MOSCICKI,

In Alma Universitate Cracoviensi,

Philosophiae Doctore & Professore,

In lucem publicam,

DATA.

Anno Domini 1693.

Permissu Superiorum.

BIBLIOTH. VARS.



UNIVERSITATIS

CRACOVIAE, TYPIS VNIVERSITATIS.

XI VII 59

In tres Colles Stellâ insignitos à SIXTO V.
Pont. Maximo Civitati pro Stemmate dados.



30263. 5

Collibus in ternis Cives triplicate triumphos,
Hostibus aequè tribus ferre trophæa tria.
Nam super hos Colles Stellâ vincente MARIÆ,
Obsessus Leo ter, terq; solutus ovat.

Josephus Zimorowicz.

52 1111 IX

CORONA TRIVMPHALIS,

*Pro Heroica inter Obsidionales angustias virtute,
& invicta animi fortitudine,*

*Urbis Leópolis, Patriæ suæ charissimæ,
Nobilibus, & Spectabilibus ejusdem Urbis*

CONSULIBUS,

Nobili, & Spectabili Domino,

JOANNI de L. Ryppa UBALDINI,

Nobili, & Excellenti Domino,

ANDREÆ SZYMONOWICZ,

Philosophiæ & Medicinæ Doctori, S. R. M. Secretario.

Nobili, & Spectabili Domino,

ALBERTO KUPINSKI,

S. R. M. SECRETARIO.

Nobili, & Spectabili Domino,

ALBERTO OZGIEWICZ,

Nobili, & Excellenti Domino,

JACOBO MOSCICKI,

Philosophiæ Doctori, S. R. M. Secretario.

Nobili, & Spectabili Domino,

DOMINICO WILCZEK,

S. R. M. Secretario, & Assessori Iudiciorum ejusdem S. R. M.

Nobili, & Spectabili Domino,

PAULO KOZŁOWSKI,

Nobili, & Excellenti Domino,
BENEDICTO WILCZEK,

Philosophiæ & Medicinæ Doctori.

Nobili, & Spectabili Domino,
MICHAELI ZLOTOROWICZ.

Nobili, & Spectabili Domino,
THOMÆ GORDAN.

Nobili, & Spectabili Domino,
CASIMIRO WILCZEK,

S. R. Maiestatis Secretario.

Nobili, & Spectabili Domino,
THOMÆ BELL.

Nec non Nobilibus, & Honoratis
Collegij Scabinalis Iudicibus;
Ordinibus, & Nationibus eiusdem Inclytæ Urbis,
DD. & Patronis Faventissimis;
cum Applausu ad Opus Historicum, eruditi calami,

Nobilis olim, & Spectabilis Domini,
BARTHOLOMÆI ZIMOROWICZ,
CONSULIS LEOPOLIENSIS,

Ab eodem.

M. IOANNE MOSCICKI, Leopoliensi,

Cultu, & affectu gratulatorio

DICATA.

ODE GRATVLATORIA.

S Idus Trionis nobile Roxici,
Spartana prolis belligeræ Parens,
Sedes Leonis, & Poloni
Delicium, columenque Martis,
Vernans corymbis Vrbs viridantibus,
Medulla doctæ Palladis, & simul
Cor dulce, cor viuax Gradiui,
Odrysij's generosa Thracum,
Bellona vinci nescia motibus,
Pontoque maior, dequæ Borijsthene,
Volgaque calcato triumphans,
Fulmineis metuenda telis;
Laurus perennes, milleque gratias,
Post tot cruenti tunè mali vices
Necdum mereris? cûi Gelonus,
Cum Rhodope, Tanaique victum
Submittit Hebrum totaque dùm stupet,
Herbam Propontis, Turcica porrigit,
Confessa victorem Tyrannum,
Marte tuo potuisse vinciri;
Pelasga quidquid, cum Latio tulit,
Heroa Virtus nominis inclyti,
Tu sola bellorum per omnes,
Iure potes meruisse casus.

In te

In te rebelles Cosacicus furor;
Effudit iras, cum rabie truci;
 Offamque te primam voraci,
 Expetijt Sceleratus ore;
Sed cùm molossi nil scythici valent,
Cum plebe sæua ringitur, & dolet,
 Coquitque dyras intus acres,
 Chmielnicij caput hœu pudendum
Seruile ferrum; quod nequijt tuis
Hæsisse fibris; quodque tot hostium,
 Obsessa centenis, feroces
 Sic poteras superâsse Bessos.
Rursus scelesto Moscua spartaco
Coniuncta, Martem sanguineum ciet,
 Arcesque turritas Leonis,
 Obsidio premit arctiori;
Ast rursus atrox bellua vincitur,
Quassata crebro fulmine, dùm magis
 Assurgis, ex binoque rursùm
 Marte, nouum geminas triumphum;
Inuieta victrix Vrbs Leoburgica.
Thrax Cameneco Machometes dein
 Potitus, vt glutire posset
 Te quoque; barbaricos hiatus
Immanè pandit. pro Superi quid hîc

Non

Non passa ! quid non sanguine depluens,
 Ignique consumptum tulisti !
 Sed tamen intemerata Virgo,
Te nulla Thracum dùm tetigit manus,
Terni Coronas obsidij ferens,
 Sic tum coruscâsti, vt coruscat,
 Ter gemino tua stella monte.
Virtutis in te quantus erat stupor !
Quantumque Martis robur, in arduo
 Rerumque, fortunæque casu ;
 Quando spei superesse mica
Vix vlla visa est; proh dolor omnium
Nutante fato; viscera lancinat
 Polona, dum mali latentis,
 Peior eò, quia motus intra.
Vis inde maior Threiciæ Ducis,
Ingensque fastus; dùm sine spe quatit;
 Circumstat, vrget, cœu profundo
 Sanguinis, Odrysiæque rictu
Mox hauriendos. cùm superemines
Vincisque magni robore spiritus,
 Tu sola cordati Leonis,
 Vrbs, triplici speciosa Lauræ.
Hoc eruditâ ZIMOROWICZ manu,
Styloque de te scripsit eburneo ;

Quod

Quod Consul, armorumque Præses,
Par animo, calamoque suppar,
Inter Gelonum vidit acinaces,
Inter boantùm mille tonitrua,
Globosque sensit machinarum,
Cum Patria, populoque Victor.
Inuictus illi, quam genius fuit;
Tam penna felix, seria, mascula,
Victura posteris in æuum,
Historicis memoranda fastis.
At Vos Leonis Roxolani Patres,
Quos Consularis gloria fascibus
Sublimat, æternùmque nomen
Ferre iubet trabeata Virtus;
Quod luce tanti depositum Viri
Donâstis, Indus gemmifer ambiat,
Gangesque tot gazis inundet;
Quot liber hic pretiosa claudit
Sallustianæ munera gloriæ,
Altosque sensus; scriptus ut aureum
Caput triumphalis Corona,
Cara mihi Patria, orbe coram
Tuum coronet; quam tibi dedico,
Et filialis cor simul offero
Amoris; ut pulsus per omnes,
Dulce tibi canat Io Viue.

OBSI-

Amplissimi Ordinis Hypathici,
NOBILISSIMIS VIRIS,
DD. CONSULIBVS
CIVITATIS LEOPOLIENSIS,
COLLEGIS meis observandissimis.



*Non diu mihi ambigendum fuerat, cui-
nam Lëopolim Patriam mihi Vobi-
scum communem, è manibus Turca-
rum postliminiò recuperatam, iterum
redhiberem; nisi à quibus eam lure fidu-
ciario tuendam susceperam. Prout Superis propitijs vo-
ta nostra secundantibus, officio fidei cõmissarij probè fun-
ctus, Rempublicam Civilem à vobis peregrè proficiscen-
tibus turbatam, apud me relictam, reducis Vobis paca-
tam reddidi; simulq; cum ea templa Cælitibus, Curi-
am Ordinibus, Fasces Consulibus, Penates Conciuiibus,
agros cultoribus, bona fide restitui; adeò ut nemo vnus
reperitus fuerit, qui mihi dicam repetundarum diceret.
Neq; ad præsens multum mihi deliberatò opus esse exi-
stimo; ad cuius ararium rationes villicationis mea rela-
turus sim, præsertim crepero belli tempore; quot globos
Turcicos in acceptis numerauerim? quot Urbicos in ex-
pensis regesserim, pluresne Centenarios pulueris pyris,
an modios mily ex horreo publico consumpsim? quot
Leunculis Belgicis Leonem gentilitium, à plagis Otho-*

m ani-

manicis vindicauerim? per quos Obsides pignori da-
tos, obsidium Ciuitatis soluerem? horum etenim, si-
miliumq; negotiorum in Prouincia mihi decreta gesto-
rum, tabulas & me confectas, nulli alteri tantum Vobis;
ex quibus a manibus procuracionē eius acceperā, obligatū me
exhibere sentio. Suscipite ergo codicillos partim rationa-
rios, partim historiales; in quibus non minus boni Ciuis,
quā veridici scriptoris partes explere allaboraui. Non
ut apud Sannasarium.

Dū laudat Patriam, dū dānat Pōgius hostem;
Nec malus est Ciuis, nec bonus Historicus.


Si quid autem in eis rationibus magis, quā auribus
accomodatius annotatum occurrerit; præcipuē quot
propugnatores in abaco militari nūerāerim. Quot aduen-
turos domesticis addiderim; quot pavor animas, occulto
flagello feriens subtraxerit Vrbi, qualiter infrequentia
defensorum, aureā regulā multiplicauerim? quæ
dissensio vnius, instituta municipū, studia in contra-
ria diuiserit. Hec aliāq; non supputationi, cuius summa
aliter constare non poterat, neq; etiam historia, verita-
tis pedissequæ; sed potius rebus gestis imputabitis. Specu-
lum enim fidele debet esse historia, non mimica histrionia;
speciesq; æquori suo oppositas, æquali numero & mensu-
ra, non autem monstra suis maiora, minoraue notis re-
presentare. Proinde distortis suis oculis strabones, po-
typosis naribus pilones, anilibus rugis veriusina debent
succensere; non vitris Crystallinis, vitia eiusmodi ad vi-

vum reddentibus. licet pictoribus, suis quemq̃, coloribus
depingere. Ego hanc quoq̃, licentiam mihi denegavi,
cū sepiſſimē pro nomine crimen, nunquam pro crimi-
ne nomen posuerim. Longū etiam mecum muginatus
sum, expediretne mihi more cucullorum nomen propri-
um coccyzare, eundemq̃, rerum Actorem, & Aucto-
rem esse, gnarus præsertim nostratibus, fumos alienos, do-
meslicis ignibus clariùs lucere; nihilq̃, palato illorum,
præter exoticum arridere. Iamq̃, nauseam eorum, in
duabus prioribus obsidionibus, ab aliquot lustris, tineas,
blattasq̃, apud me pascentibus expertus, ne tertia quoq̃,
in tabaci, piperisq̃, cucullos abiret, verendum mihi esse
putabam. Ius itaq̃, Romanum Sallustium, vel conter-
raneum Livium, præsertim è grege literatorum nostra-
tium expectabam; qui diarium obsidionis istius po-
steris traderent; saltemq̃, Athenienses Athenis (quod
factu facillimum) collaudarent. Postquam autem bi-
ennio evoluto, nostrates Tacitos tacere, extraneos Silios
silere, literatores autem universos consonantium lite-
rarum Cantores, non mutarum scriptores esse comperis-
sem; interim autem commentaria commentitia umbra-
tilium scriptorum, tragadiā hanc per transennam ab
alto spectantium, necnisi in mundo subterraneo procul
à Iove, eiusq̃, fulmine, strepitus Turcicos numerantium
divulgarentur; Martio stylo ad postes Hercules suspen-
so; phœbeum reassumpsi, illoq̃, hymnum Calitibus, mala
ab Urbe delecta DEJauerruncantibus panxi. Quem
in superluminaribus portarum Vestrarum, fronteq̃, cu-

ria, cubitalibus literis libenter exararem; ut ab auro in-
auditi beneficij Diuini, auiternam posteris inculcaret
memoriam. Profectò à condita Leopoli, nihil ei grauius
gratiusq; accidere potuit, supra hanc prodigiosam è ma-
nibus Turcicis manumissionem. Præteritæ binæ incur-
siones verius, quàm obsidiones Civitati intentatæ, velut
ludicra certamina, decretoria huic pugna prælusere; si-
quidem Cosaci, Moldau, Transylvani, aliq; grassa-
tores, reliquias dissipati exercitus persequentes, Léopolim
fortuito adorti, sine paratu machinali, bombardisq; po-
liorceticis, redimias non deditiōem eius urgebant. At
Turci consulto animo, armis, viris, instrumentisq; bele-
politānis abundè instructi, noctes atq; dies fulminan-
tes, missilibus, assultu, cuniculis, potestatis suæ Léopo-
lim facere nitebantur. Tandem Domino Exercituum
pro incolis eius, nomini suo militantibus, pugnante; bar-
bari exiguo pretio, vixq; sesqui millenos globos à Cui-
tatem explosos ædæquante, delinuti, inglorij abierunt.
Tam singulare ostentum dextera Diuine, in omnium ca-
lamis viuere dignum, meum quoq; capularem ad enar-
canda mirabilia Domini compulit. Cuius ego narrati-
onē, tanquā fetū effeta ætatis meæ, ad manus Vestras de-
pono; ut saltem eodem favore, quo expositos infantes
prosequi soletis, meum quoq; partum proiectum excipi-
atis. Quem ubi monstrosū compereitis, permissu le-
gum suppressite: sin autem vitalem iudicaueritis, man-
suris animare figuris dignemini.



OBSIDIO.

Eópolim Russjæ Metropolim tertio iam hostiliter obsessam, tertio quoque diuinitus liberatam narraturo mihi, quod planiori via ad notitiam legentium decurrat mea narratio, pauca de belli intestini concitoribus Cosacis,, rebellionem illorum, & in Turcicam clientelam transitione præmittenda sunt. Et ne longius à proposito abeam, confinia Russiæ ad ostia Boryttenis in Euxinum sese exonerantis, per longè spatiosos campos exporrecta, Ukraina dicta Iuris Polonici semper fuerunt. Quæ quidem primitus proventu agrorum, & fertilitate glebæ fecunda, nunc in suis sulcis legiones dentibus aduncis cum clipeis gignunt, quæ horrida bella capeffunt. Rusticos videlicet eiusdem terræ filios ex se natos Bucolicos sine pompa milites, in Tartaros terrâ, in Turcas mari, gratuitos bellatores, omnes autem inter se pares per ignobilitatem, Cosacos non à pernicitate caprarum, ut potè pedites; sed potius ab importunitate muscarum Kozaka, idiomate Russico nuncupatam cognominatos, Quorum vnusquisque hac gerit arma manu, quâ colit arua manu. Hi itaque imperia herilia, angariaque agrarias
A subter-

subterfugientes, dum relictis laribus colonias ultra Kiio-
viam, Braclaviam, & Barium in novalia habitatoribus
vacua, quot dies promovent, & deserta adespota primi
occupant, multos suæ farinæ contribules, nec pauciores
aduenas, è fabulosis Poloniæ fundis vbertate soli illectos
ad se pellexerunt, simulq; Tartaros orbis Prædones (qui
nisi de raptu vivere turpe putant, vt cecinit Naso Tomita-
næ quondâ incola terræ,) ipsâ vicinia ad diripiendos agros
suos inuitârunt, Cum ergo Tartari per duò prope sæcula
agellos illorum quotannis decimarent, Respublica autem
Polona, nulla præsidia illis opportuna submitteret, ipsi a-
grestes naturâ magistra repellere vim vi edocti, arma in
publicos Latrones sumpserunt, & in defensionem sui ma-
sculè coorti sunt. Quoniam verò testante Poëta.

Inter Finitimos Vetus atq; antiqua simulas;

Immortale odium, & nunquam sanabile Vulnus.

Inesse creditur. Præterea limitaneos populos, ad simili-
tudinem animalium extremas partes corporis, vnguibus
aut vngulis exasperatas habentum, pugnaciores mediterra-
neis plerùmque euadere, frequentiaque pericula à conter-
minis impendentia audaciam finitimorum certum sit a-
cuere; breui tempore volones illi non modo tuguria sua ab
Harpijis Scythicis tueri; verùm etiam mapalia illorum pe-
dida inuadere, ferro & igni demoliri ausi sunt. Exinde
dulcedine prædæ inescati, non ampliùs terram versare, aut
subsidia uitæ sudore acquirere, quæ compendiosius sangui-
ne parare poterant, statuerunt, præsertim rusticana iuven-
tus Mosoycy verniliter vocati, à rastris ad arma versi, nunc
per deserta camporum feras sectando, nunc capturâ piñci-
um fluvios rimando, ultra cataraclas Borysthenis Porohij

Scla-

Sclavonice nominatas delati in eiusdem fluminis interam-
nicis Insulis, (quas ille septuaginta alluit) de canna, stra-
minibusque casis constructis, publicum asylum sibi, omni-
busque flagitiosis, proscriptis, apostatis, aperuerunt. Siqui-
dem Borystenes quondam mercator, tum bellator, illo-
rumque receptator fluvius supernè per abrupta decurrens,
infernè multis ostiis in Euxino emoriens, tutos loco à Do-
minis quorum manus effugerant, & à vicinia hostium red-
debat. Quapropter ad contubernium illorum veluti Pon-
ropolim Philippi, purgamenta villarum, oppidorumque
quotidie cateruatim conuolabant; ita ut breui in vastum
exercitum excrescerent, totumque illum tractum mundi
face replerent, noua Sylua illa latronum sine Rectore &
disciplina [cùm & Prædones e præscripto grassentur] dege-
ret. Ductorem è corpore suo Ostaphæium Daszkowicz
terrâ marique Nobilem grassatorem sibi præfecit. Qui
non rudis bellandi, multitudinem illam inconditam per
legiones, Cohortes, Manipulos, Centurias digessit; chili-
archos, Centuriones, Optiones, Signiferos, Circitores con-
stituit, omnes autem fistulis fulminatricibus, armatos esse
iussit, hiberna & ætîva in vna Insularum Boryltenida-
rum Tomakonka assignavit; super qua ut perpetuò sta-
bularentur præcepit. Novum de plebe militiæ Zaporohitanæ
ordinem fortuito institutum, neque Respublica Polona im-
probauit, imò verò gratuita eius opera in bellis Moschovi-
ticis, Cosacicis, Turcicis, vsa est, ita ut sapiùs pugnantibus
Russis, Poloni victorias obtinerent; Præsertim autem con-
tra hereditarios Prouinciæ suarum hostes Tartaros, Ex-
cubitores Riparenses Cosacos habere voluit. Subinde &
Reges Poloniæ virtutem illorum Martiam, equestribus Ni-

ceteriis ornârunt. Sigismundus imus Authorem eius Setae Daszkouicium, præfecturâ Cercasi, 1541. A. D. auxit; Stephanus Bathoreus Trethimirow Castellum ad reponenda belli instrumenta illis concessit, Respublica denique hydram illam multiplicem auro magis, quam ferro edomare cupiens, stipendiariam sibi fecit, sex mille selectioribus in album Polemicum relatis, & stipe exigua auctoratis. Quod quidem Comitiale inuentum Diuino potius, quam humano consilio confectum esse videtur. Vrenim Conditor vniuersi, cuilibet veneno antidotum præsens prouidit, ita vt quo loco serpentes, ibidem & Ciconia nidulentur, similiter Tartaris. Etesiis incurfibus, Prouincias vicinas vindemiantibus, Roxolaniâ Sobolis militaris parentem opposuit, malo modo, malum cuneum; ita vt quoties volucres [prout à Lucano vocantur] Geloni, aut in equis habitantes, Getæ, procella equestri custodias limitaneas fefellissent, Vel ob pernicitatem equorum manus Cosacorum, (quibus omne in pedite robur] inulti euasissent; Cosaci vt par pari referrent, nunc equitibus eorum pabulantibus interceptis; aliquando Taurica Chersoneso rapinis & incendiis deformatâ, grassaturas barbarorum castigabant. Per multos igitur annos.

Russia Barbaria lento collisa duello,

Turcis iuxta ac Polonis spectaculo fuit, duarum gentium mutua latrocinia à longè spectantibus, in bellum tamen atrox eruptura aliquando diuinantibus. Nec eos animus suus cuique vates fefellit. Quandiu namque Cosaci damna sibi per Tartaros illata, intra solum hostile vindicabant, Turci ad cædes & querelas clientum suorum, dentibus quidem fremebant; manibus tamen immotis persistebant.

bant. Postquam autem Borystonii cum Donensibus py-
raticis myoparonibus Pontum ingressi, emptoria Turcica,
Varnam, Tehyniam, Kozloviam, Oczakoviam, Belgra-
dum, Theodosiam, Synopem, Trapesuntum evastassent,
omnibus autem maritimis Asiæ Ciuitatibus terrorem no-
minis sui incussissent; Tartaros quoque plusquam lupos
[teste Poëta] feræ feritatis habentes, in propriis Sedibus
excindere capissent: Turci velut Oestro perciti, nervos po-
tentia Orthomanicæ succidi, Maiestatem Orientalis Portæ
foedari, per homines, uix nomine dignos, palam fremere,
tacitè vindicias & ultionem coquere. Nec mora, omnium
Hordarum Reguli classico excitati, vt in media Polonia
Tartariam sibi facerent; Skinder Pasza cum numerosis
copiis in excidium Regni iterato missus 1618. 1621. nouis-
simè ipse Osmanus velut Xerxes rediuvus Quadringentis
Millibus bellatorū succinctus, ad delendum nomen Poloniæ
Chocimum vsque progressus est; vbi post multos Sanguino-
lentos conflictus, quia non uicit, pro victo prior acie exces-
sit. Post quæ experimenta virium, quoniam Maiors te-
ctus pelle Leonis successum Turcis non addixisset, ad ar-
tes vulpinas versi, in omnibus congressibus, legationibusq;
amicitiam Reipublicæ Poloniæ sublati Cosacis talem
spondebant; qualem lupi opilionibus post abactos vigiles
canes in Apologo Demosthenis, sunt polliciti. Quæ ebi-
dem fabula versâ in historiam, res Polonorum funditus af-
fixit. Etenim consilium hosticum secuti, dum in singulis
Comitiis edicta feralia contra Cosacos eudunt. Cosaci ve-
rò fiducia animorum, non modo iugum, sed ne frenum
quidem accipere volunt. Decreta Comititalia ferro rescin-
dere, audacèr præsumperunt. Hinc questus Ordinum, &
remedi-

remedium nonnisi ex bello deplorando magis, quàm memorando; siquidem nunquam aliàs tantùm damni, cladis, ignominiaëque Regnum Sarmaticum accepit; quàm ex hoc Seruili temerè suscepto, inconsultè gesto, & in Vigessimum Sextum annum protracto bello. Quippe Polonia tot vrbi-
bus, Castellis, Pagis mutilata, tot gregibus faminarum, iuuenumque fecunditare sua & indole vires hostium aucturis diminuta; tot exercitibus, & in illis ferocissimo quoq; prostrato truncata, Podolia citeriore, vltioreque frugum & sobolis militaris parente mulctata, quid aliud pleno ore loquitur? nisi Aquilam suam, à graculis deplumatam, ab vlulis exanguem redditam, à Scarabæis ignominiosè tractatam; florentissimam autem oram Russiæ, melle & lacte quondam diffluentē, nunc sanguine & lachrymismersam fuis. Verum vt omissis lamentis ad propositum redeam. Postquam visum Ordinibus, ad votum Turcarum Cosacos interneciuus armis prosequi, excursionibus piraticis Boryskene prohibere. Cosaci in ferrū pro libertate ruentes, multis annis multa passi, plurima auli tandē assiduus præliis laesi, auxilia externa suspexerunt, hostes Polonis per totum orbem quærentes; Nec longè quæritos homines, in ventre necandos Tartaros conciliatore 1648. Bogdano Chmielnicki, rebellionis præsentis Antefiguano inuenerunt, Is pudendæ originis, animo versatili, postquam diu ob rusculum sibi ereptum, cum potentiore litigasset; per Comitia Regni, & conciliabula Casacorum Herediolum illud Naboticum ablatum sibi quiritari cessasset, vt silentio facinus pensaret, neci destinatus, manus percussorum sefellit. Cumque nullibi tutum receptum in Russia haberet, continuato itinere diu noctuque ad vsitatum maleficorum portum, claustra

claustra videlicet Borystenia properans, fortè Tochar
Begum in campis Budziacensibus stabulantem, & quo-
cunque occasio vocaret, prædatum excurrere meditantem
offendit. Hunc capitalem sui Osorem partim promissis,
partim lachrymis ad commiserationē, defensionemq; sui
impulit; & quia inrer malos facilè conuenit, etiam ad soci-
etatem belli Rustici pertraxit. Ex tam minuta scintilla
prædioli violenter erepti, tantum incendium trêsis ho-
muncio excitare potuit; quod hucusque tota Polonia ne q;
largis fletibus, neque multo Sanguine extinguere potest.
Verùm toties malè sopitum in manus assurgere videt. Nos
quoque progressum eius vltiorem videamus. Postquam
ignitur fax & incensor motûs Russici Chmielnicius, iuven-
tutem totius Vkrainæ, quâ precibus, quâ similitudinē for-
tunæ, quâ spe libertatis omnium sub eodem iugo gemen-
tium, in vnum cumulum exciuisset, roburque militiæ Za-
porohianæ pedestre, equestribus turmis scythicis coniunxis-
set; Quingentis pugnatorum millibus stipatus, per cada-
uera Exercituum ad Corsunum cæsorum, per stragem Op-
pidorum, Pagorumque ad decutiendum caput Russia Le-
opolim venit, illamque non aggere cespitio, verùm den-
sâ turbâ latronum vndequaque cinxit. Vnico tantum effu-
gio obsessis ad superos relicto. Ad quorum aras supplex
Ciuitas prouoluta, multos ex eis Commilitones, pro mu-
ris dimicare visos, in subsidium suum euocauit; hisque sup-
petiis firmata, vindicias iuxta libertatem obtinuit. Quâ
obtentâ fortunis licet Ciues truncati, ad omnes tamen
Lipsanothecas illorum, tabellas naufragii sui indices suspen-
derunt. Talibusque charisterns fauentieres sibi calices in
posterum reddiderunt. Septennio enim evoluta idem tur-
bo

bo Russiæ Chmielnicius repudio Tartaris Russiam plusquam locustæ depascentibus dicto, Septemtrionis 1655. Dominatorem Schismatico cognatione sibi deuinctum suspexit. Quasi assuetus magnis Idiota dictis Lucani illud legisset.

Omnis in Arctoï populis quicunq; pruinis

Nascitur, inæomitus bellis, & mortis amator,

Quidquid ad Eoos tractus mundiꝝ teporem

Labitura emollit gentes clementi, cali.

Neque arduum fuit Chmielnicio Moschorum Principem pari odio in Polonos, eodemq; Schismate laborantem ad societatem armorum vtrinque victricium pertrahere, Iam enim ille toto septemtrione contra Poloniam armato, Seueriâ recuperatâ, Lithuanîâ sub iugum acceptâ, Monarchiam vniuersæ Russiæ à fatidicis sacrificulis Sibi promissam, animo coquebat. Chmielnicius autem ipso congestu hominum, equorumque Australem Russiam calcatam, velut appendicem Moschouæ adijcere, & vestigalem facere promittebat. Vnde Moïchum facile illuc impulit, quod dudum animo propendebat; vt sine mora ad subigendam reliquam Russiæ portionem; cum Prolegato suo Basilio Wafilewicz, LXXM. Bellatorum mitteret. Quorum in numero multi Peregrini è Suecia, Anglia, Hybernica, Germania, Liuania, sub signo euocati merebant. His omnibus pro Chmielnicio manus conferere, Moscho autem vincere in mandatis datum; Chmielnicius quoque his copiis immensam volonum Russicorum multitudinem è Cosfacis, villarumque purgamentis in vnum chaos conflatam addidit, tantique exercitus è seruo Imperator versùs Poloniam mouit. Cuius terrore obuia quæquæ Castellâ, vrbesque afflatæ, fortunam Chmielnicii. Sceptrumque Moschicum

chicum spontè adorauère. Sola Léopolis vtrique collum
submittere detrectauit. Temeritatem hanc non constan-
tiam hostes interpretati, plùs vnã Ciuitatem, quàm to-
tam Russiam audere, neque securè integram Prouinciã
nondum freno capiti eius iniecto, possideri reputantes, in
secundũ 1655. mensem obsidionẽ continuãrunt, quotidie
Ciuibus vniuersã Poloniam potestatis suæ factã, sub-
sidia ob Regifugium, Exercitusque dissipatos nulla, nec-
nisi de cælo ventura exprobrantes. Verũm Léopolis in-
vltimum, obstinata, nullo ariete tam mentibus quàm
manibus suis admoto, adduci potuit; vt lubricæ Moscho-
rum fidei caput subderet; quinimo inter mille discrimina,
integritatem fidei omnibus periculis, damnisque prætulit;
quã felici portinacia, exercitum illum Heterogenum, fame,
illuie, inclementiã cæli autumnalis, in secundum men-
sem maceratum, ad inferendam vastitatem Regno inha-
bilem reddidit. Denique offa Cerberis obiecta, missionem
sine vulnere, famæ obtinuit. Quæ omnia seorsuis Com-
mentariis, adhuc in ouis Ledæ apud me delitescentibus re-
censui. Nihilominus tertiam obsidionem Turcicam prio-
ribus formidolosiorẽ aggredior.

Postquam igitur Ordinibus Regni fulmen in Barbaros
cælirũs destinatum, in viscera sua conuertere, Cosacos vi-
delicet Bellatores, ad votum Turcicum Aratores facere
sententia stetit; nimirum.

Bella geri placuit, nullos habitura triumphos;

Hæc quantum terra potuit, pelagique parari,

Hoc, quem Ciuiles hæuserunt sanguine, dextra.

Cosaci per alsidua certamina viribus; numeroque dimi-
nuti, pars maxima in præliis cæsi, pars ad Borystenias.

B

Mosci-

Moschicæ dititiones dilapsi; reliqui ad incitas redacti, ne-
tunditus interirent; Acheronta mouere præsumpserunt.
Quapropter ritu veneficorum, eiurato verò Numine,
Antichæis se se mancipantium; post varios dominantes, in
clientelam Orthomanicam concessere; perire etiam, dum-
modò æmulos perderent, non reculantes. Caput istiusmo-
di consilii Petrus Doroszenko, non vno culeo, & cruce
dignus homo. Hic in perniciem Reipublicæ multos in-
pectore ferens, Chmielnicios, quò prouocantem fiduciam
apud Imperatorem Turcicum sibi conciliaret, liberos su-
os ei in obsides misit; neque ille diu cunctatus, nociuos
multum dititionibus suis prædatores, à quibus occasum
imperio suo, per aruiolos Machometicos ab Aquilone
prædictum metuebat, in patrociniū suum obuiis vlnis
suscepit, suppetias se quāprimū laturum promittens;
amicos sibi tali obsequio, quos hostes ferro domare non
poterat facere certus. Usuratum quoque Turcis, è discor-
diis Christianorum incrementa sumere, more Romano-
rum; qui socios protegendō, opemque supplicibus feren-
do, Dominos Orbis se fecerunt; ita hodiè Turci sub spe-
cie auxiliorum sibi vincentes, maiorem partem orbis po-
testati suæ subiecerunt. Interim Turcius Imperator Wy-
socio Regni Prolegatum, diu Constantinopoli contem-
ptim habitum, sine vllō responso dimisit, altero autem
mense Feciale, cum denuntiatione belli in Poloniam
expediuit. Verū vt præter humana commenta, æternæ
etiam, mentis placita introspeciamus; è quorum
sacratissimis sanctionibus, Conditor Vniuersi, neminem mor-
talem deleuit, priusquam ille se deserat, vnde quo tem-
pore Græcia à Vicario in Ecclesia Christi capite, se se sub
sub

Subduxit, è Vestigio vltor huius secessionis Deus; caput
Præcursoris [venia sit dicto] Antichristi illi imposuit;
Turcarum nimirum Tyrannum, pro libidine, Græculis
Acephalis, Patriarchas velut mercem in alicione publica
venum exponentem, Proinde & Russis non semel Schis-
maticis in proclui erat (cùm sint concatenata scelera)
abiurato hereditario Domino, ad alienum post vestigia gre-
gum suorum abire; præsertim vltima necessitate huc eos
impellente; vt more naufragorum; strictum etiam manibus
arriperent ense. Post alias igitur tempestates, ex omni-
bus mundi plagis, per Cosacorutlicos concitatas, grauif-
sima ab Oriente Poloniæ incubuit, terror vniuersi Or-
bis Cæsar Turcicus. Lucan.

Terrarum fatale malum, fulmenq̃ quod omnes

Percuteret pariter populos, & sidus iniquum.

Gentibus præsertim Christianis, de lana caprina secum
digladiantibus, Turcis interim è dissidijs illorum compen-
dia sua caprantibus; prout & cum rebellibus Cosacis, Græ-
ca fid' icto foedere, totam potentia suæ molem in Rus-
siam effudit, eodemque impetu primarium Regni 1672.
propugnaculum Camenecum, mirabili situ cauitibus sco-
pulosis, & præruptis hiatibus à natura munitum, deditione
accepit, simulque totam Podoliam in vna Ciuitate expu-
gnatam sui iuris fecit. Casu vicina Ciuitatis, Léopolis ter-
rita contremuit, & tanquam ruinâ eius premeretur, Duo-
rum; hominumque fidem implorare capit. Coacto ergo
quantocijûs Senaculo, maior Magistratus magnitudinem
impendentis periculi breuibus exposuit. Post priores hosti-
les insultus satis graues, grauissimum nunc fortune, iugu-
lique suis impendere à Turcis, ad interitum boni &

stragem Vrbiū; natis. à quōrum feritate hucusque iugis montium, rapidis fluminibus, ipsaque distantia loci semoti sine scitu vixerant; nunc subiugata Podolia suburbana Regni Prouincia capto Cameneco antemurali Christianitatis, iam ad Portas Vrbanas Annibalem adesse; proinde vt sine mora capita conferrent, aris, focis, charisque pignoribus suis consulerent, admonuit. Parænesim huiusmodi Ciues attoniti excepere. Quibus animam consiliūque timor eripuit; præsertim recentes è schola, Tacitos voluebant in pectore questus:

*O Malè vicinis hac mania condita Turcis
O tristi damnata loco nox, alta per omnes,
Et tranquilla quies populo, nos prada furentium
Primaque castra sumus; melius fortuna dedisset
Orbe sub Hesperio sedem, gelidaque sub Arcto
Errantesque aomos; quam Ruscia claustra tueri.
Nos primi Scythicos motus, Moschumque ruentem
Vidimus, & Martem Dacium rabiemque furoris
Bisonij; quoties Regnum fortuna laceffit,
Hoc iter est bellus; gemitu sic quisque latenti
Non ausus timuisse palam.*

Alii ex fortuitis prodigiis, uelut DEI Nuntiis, sinistra omnia Ciuitati ariolabantur, casus præteritos cum præsentibus euentibus in comparisonem trahentes. Etenim Nonis Iulii Corus subito coortus; è fastigio turris Prætorianæ, Leonem rotabilem pro aplustri impositum, fracto pinnaculo, unà cum insignibus Ciuitatis per eum gestatis deturbauerat, non sine portento. Namque sphæram deauratam meridimno capaciore, in terram usque deiectam adeò afflixerat, vt Pars eius conuexa corrugaretur. Quo casu Res publica

publica contractionem Regni, [cuius glóbus Regius Sym-
bolum) in Podolia mutilata postea sensit. Porro tres mon-
ticuli stellâ conspicui, per Sixtum Quintum Pontificem
Maximum, ob fidei constantiam Ciuitati donati, tecto
allisi; Leo quoque symbolicus in idem tectum arietatus,
Orientem capite submisso adorâsse, ab eademque mundi
plagâ discrimen sibi imminere, non tamen peremptale præ-
sagiuisse videbatur. Simile omen in Anglia, sub Henrico
septimo contigisse, Franciscus Baconius refert; nimirum
Aquilam auratam de spira templi Diui Pauli deiectam,
in signum Aquilæ nigræ, quod in cæmeterio erat impegis-
se, illudque comminutum in terram de iecisse; subiungitq;
idem scriptor; hæc interpretabatur Populus, mali omnis
locò in familiam Imperialem, quòd etiam impletum est,
in filio Philippo Imperatoris, non solum in infortunio tem-
pestatis; sed & in aliis quæ secuta sunt. At Senior Pars Ci-
uium, vitam acceptam à Patria, Patriæ impendere non re-
cusantium, ad curas bellicas versi, preces publicas ad su-
preum Archistrategum Regni expediunt, orantes, vt pe-
ditum manus per diuersa castella sparsas, in vnum agmen
cogere, & Ciuitati Léopolienti pro præsidio esse iuberet. In-
terim antequam externa auxilia aduentarent, Magistratus
Ciuium arma sumere, ad classicum sub signa coire, in-
portis, moenibusque excubias perpetes agere mandauit.,
Præfecti quoque rei tormentariæ, & cibariæ, quam maxi-
mam copiam pulueris nitrati, & annonæ coacquirere iussi.
At nihil æquè omnes torquebat, quàm macies ærarii, præte-
ritis binis redimiis enormibus, & quotidianis tributis ex-
hausti; iam ante experti, nil profecisse Armamentaria, post-
quam defecissent æraria. Quapropter telo necessitatis ad-
acti,

acti, è censu in singulas domos ostiatim laudato. Sex Mille Floren: collegerunt. Ecclesiasticorum, Nobiliumque. Curiis in eadem naui remigantibus, nec vnum Naulum tamen conferentibus.

Dum ergo Sartorum, tectorumque Magistri reparandis munitionibus, per tempus collapsis insudant; frumentatores autem pagatim pabulantur. Illustrissimus Dominus Ioannes Sobieski Marschalcus Regni, idemque Exercituum Supremus Ductor nunc verò Serenissimus Poloniae Rex, Léopolim venit; ad quem vniuersi Ciues, velut ad beneficium fidus gregatim conuolant; consilium, auxiliumque ab eo suppliciter exposcentes. At ille multum questus, tempestatem hanc belli Othomani prius à se praeuisam, Ordinibus Regni tempestiue intimatam, à multis irrisui habitam, ab omnibus neglectui acceptam, in ultimum penè discrimen Rempublicam adduxisse; ut modò contra rediuiui Xerxis copias, totiusque Orientis Vires, discincta ac inermis compareat. Proinde neque Imperatorem sine Exercitu opitulatum illi venire, neque vniam Ciuitatem, plusquam totam Rempublicam posse intulit. Vt ergo ipsi rebus suis consulerent, illasque cum Sexu sequiore, turbaque imbelli fruges consumeres nata aliò deportarent consuluit, Viros autem ipsos, obsidionem impauido animo tamdiu sustinere iussit, donec vel legatione publica, cursus armorum hostilium sisteretur, vel repulsoriae copiae praesto adforent. Interim quatuor signa, lacera peditum, in vniam legiunculam coacta, pro praesidio urbis designauit; quibus Eliam Lacki, expertae virtutis Tribunum praefecit, Optionesque illi quatuor addidit, Ioachim, Fridericum Megelin, Dauidem Lack, & Iacobum Suliszenski, omnes non rudes bellandi; Vniuersis autem

duas turmas equestres, ad speculandos, explorandosque
hostiles progressus reliquit. Verum, illæ cum agris, illorum-
que cultoribus, per malaciam quotidie gesto bello, ingru-
entibus Tartaris [quorum nec aspectum sustinere poterant]
in penitiora Regni turmatim concesserunt. Similiter sele-
ctor pars Ciuium, dicta Imperatoris fluitrè interpretati,
vnam salutem metuentibus, nullam sperare salutem apud
se itauerunt. Ea propter principio à Primoribus fugæ fa-
cto, cæteris quoque animus in pedes abiit. Miserabilis
meherclè, faciès Ciuitatis, ipsiq; etiam Ciuitati erubescen-
da, ea tempestate fuit; videre non modò umbram suam
fugientes puellas, aut iuuenes ferrum lateris sui exhorres-
centes; verum etiam Thrasones armis cælum quondam ter-
ritantes, ipsosque Demagogos quiduis audere, & pati pro-
fessos, nouissimè constantiæ Christianæ buccinatores, Am-
bones, Andrones, tanquam in excidio Troiano deferere su-
per carros, & plaustra, claustra sua raptim conuolare, in e-
xilium voluntarium plenis portis ruere, nonnullos veluti
lymphatos in manus Tartarorum, campos vicinos persul-
tantium, spontè currere, & metu periculorum imminen-
tium, in aperta pericula sese præcipitare. In hac publica
omnium consternatione, quoniam nec ipse Iupiter Stator
populi fugium illud sistere poterat; duo reliqui Consules,
Bartholomæus Zimorowicz; & Ioannes Anserdes, ex ipsa
desperatione Concilium. Sumentes animos: deploratas
res Ciuitatis, interuentu suo restituerunt. Quorum prior Fa-
scibus Consularibus, alter aduersariis Oeconomis ad se
receptis, cum Cives prope omnes in pedibus, non mani-
bus spem posuisse aduersissent; egregium facinus ausi, por-
tas fugientibus clauferunt. Postmodum vocatos in concilium

hunc, hoc modo allocuti sunt. Si vnquam aliàs Patriæ
morientis imaginem vidissent, hodie saltem iam iam a-
nimam agentis speciem contemplarentur; quando eam;
non modò capite censi Municipes, sed ipsa columnina Vr-
bis Patres foedâ fugâ deferant; quo factò nihil aliud agerè,
nisi subtraçto vitali Spiritu, templa & tecta incolis Vidu-
ata, tanquam cadauera inania libidini hostium relinquere
videantur. Perindè enim esse Patriâ periclitantem deferere,
atq̃ue inermem hostibus prodere; nec minus impium fanis
Diuinorum faces subdere, statuas illorum deturbare, por-
tas Ciuitatis hostibus aperire; quàm hæc omnia Barbaris
aduentantibus, sine defensoribus, relinquere. Proinde saltem
residui, & velut grana tritici, post euentilatas paleas, in
hac area Martia relictì, foras misso timore, amorem Pa-
triæ induerent; neque fugitivos viros muliebria passos,
sed potius maiores Leoni suo non degeneres, præ oculis
haberent; qui in præteritis grauissimis obsidionibus salu-
tem Patriæ, fortunis, liberis, vitæque prætulerunt. Non-
nulli etiam pro indemnitate eius, pulchram oppetere mor-
tem non dubitârunt. Verùm neque adeò de fortuna Regni
desperandum esse; vt incolumi Rege, saluo vtroque Im-
peratore, exercitu nullibi cæso, Regno nondum debellato,
collum Othomano fastui liberè submittat; neque in ul-
tionem sui amplius confurgat. Breuem esse hanc potesta-
tem graculis concessam, dormiturentibus Aquilis impu-
nè illudere, expergefactis verò turpia terga dare. Cæterum
humanis subsidiis deficientibus, non defectura diuina. Ex-
perti nimirum annis retroactis, victorem, Leonem de tribu-
luda, Leoni suo suppetias venisse; àlrorum, caltrorumque
Matrem, Lunas Turcicas pedibus suis subiecisse; armorum
autem

autem Principem Michaelē, fulminibus bellicis in De-
lioretes cælitus detonuiffe. His commilitonibus de cæ-
lo pugnantibus, progenitores suos à portis hostes pepulif-
se, & deuictis aggressoribus trophæa statuiffe certò certius
haberent. Neque nunc dubitarent eosdem cælites, qui pri-
ùs fuerant esse, similiterque ad classica sua venturos, quo-
modo ipsi ad defendenda illorum penetralia manus suas
commodarent. Admonitiuncula huiusmodi multi Ciuium
erecti, animos proiectos iterùm receperunt. At quibus
soluere cæperunt cornua ventres, cum lituis audita, [vt
Satyricus inquit] nocturnis tenebris tecti furtim vrbe exi-
bant; ad quos sufflammandos Duumviri Consulares, duri-
oribus lupatis opus esse iudicantes, vniuersos in vnum
coegerunt, ad eundemque Conuentum Gubernatorem vr-
bis Eliam Lacki vnà cum stationariis, eius inuitârunt; in-
quorum confessu Proconsul præfatus fatalem hanc for-
midinem Ciuium antetubam trepidantium, & quotidie per
varia effugia, foras dilabentium, nullo alio freno inhi-
beri posse, quàm vt singuli SACRAMENTO, DEO, Regi, & Pa-
triæ dicto iurarent, in quo dicendo, primum se omnibus
præire velle testatus est. Cùm verò nec ipse Gubernator,
assecclæque eius iuramentum eiusmodi abnuerent; omnes
quicunque saluam Patriam esse, nec eam ad ultimum Spi-
ritum, deferere vellent; in dexteram partem sinedrij sece-
dere iubentur. Inopinato tali sequestro cuncti pudetacti,
omnes in Proconsulis sententiam pedibus iuerunt, illoq;
præeunte primùm Ciues deinde stationarij, hi signa, illi
mania non deserturos se solenni religione obstrinxerunt.
Nihilominus nonnullis [quos dicere noto] etiam iura-
tam mentem timor panicus eripuit, vt post fidem DEO
C teste

teste datam, subito ex oculis aliorum disparuerint. Inre-
terea atroces nuntij præsertim è Vinculis Scythicis elapsi,
quotidiè aures Ciuium euerberare non cessabant. Tur-
cicas copias obujs Oppidis per deditionem captis, pagis
evastatis, cum ingenti apparatu castrensi, in excidium Ci-
uitatis Léopoliensis properare, iamque Tartaros præcur-
sores illorum, campos circumiacentes captiuos tenere. Idem
equestribus excubijs excursionem raptim factâ, nullo
tamen captiuato affirmantibus. Quibus vtrisque in-
cendia hostilia pagatim, disseminata, & in nubibus reper-
cussa fidem adstruebant. Confestim igitur ex edito arcis
supernatis, fragore machinæ fulmineæ pabulatoribus, &
Anteurbanis signum datum, vt in tutum se reciperent. Arcis
quoque ipsius hucusque neglectæ, & abiectæ cura,
duabus Decurijs peditum commissa, tam valido muni-
mento, adeo infirmum præsidium, quasi cothurnij, Hercu-
lis infanti aptati; quod postea ipsis Turcis risum movit,
reputantibus secum ob inscitiam rei militaris, vel infre-
quentiam præsidarij militis, Capitolium Rulsicum aliquot
anseribus in custodiam traditum.

Signa equestria bina præsidio Vrbis pro appendice
addita, vt causariam Ciuitatis deferendæ missionem ob-
tenderent, excursionem in hosticum simulârunt. Quibus
non satis fidens Præfectus Vrbis, aliquot denos turmales
illis addidit. Auxit numerum Vtrorumque læta bello Vrbana
iuventus, ita vt tumultuaria manus illa, ad quingenta
capita ascenderet. Hæc procaltria Suburbana circume-
quitans, aliquot Tartaros palantes adorata, ne in fugam
actos longius insequeretur, statuâ Tartarica in proximo
sita Secutores terruerunt. Ciuicas igitur turmas, vetus mi-
litia

litia Primipilarius Fridericus Megelin domum reduxit,
militares verò more gruum hyeme appropinquante, in-
transiitulanæ Baias concesserunt.

21. *Septembris.* Die sequenti citus equo Scythia po-
maria Urbis adequitat, pileoque supra caput (ne à sclo-
petaijs impeteretur) elato, schediū perticæ humi fixæ iponit,
eademque pernecitate retro se proripuit; quod ab vno ex-
cubitorum ad Magistratum perlatum, quoniam vernacu-
lo charactere, & idiomate exaratum fuerat, palam legi
placuit. Literas illud Supankasic Agæ Veferi Tartarici,
continebat; in quæis Præsidibus Ciuitatis salute breui di-
cta, denuntiat. Magnarum Hordarum Principem, innu-
merabilibus equitum turmis succinctum, præstò adesse,
& ciuibus fidelem operam suam, si qua opus habuerint,
gratanter polliceri, dummodò illi omni hostilitate absti-
nerent, clementiamque suam potiùs, quàm indignatio-
nem experiri malint, ne galeatos serò duelli pæniteat.
Porro Ciues animum Barbari venenatum officio perso-
natum subodorati, eò acrioribus custodijs portas, moeni-
aque firmârunt. Antequam tempestas, Othomanica Vr-
bi incubuisset, procella Tartarica anteuertens, colles vi-
cinos atra nube operuit, quæ quia ultra teli iactum stetit,
sine vllis missilibus cum Sole abeunte recessit.

22. & 23 *Septembris.* Biduo Sequenti Scythicæ Pha-
langes, velut in Diribitorio densis Ordinibus ante obse-
forum oculos [qui primo in prælijs Vincuntur] constite-
runt. simulque Pomœria Ciuitatis ad eò proximè prætere-
quitabant, vt e fastigijs Turrium per tubos opticos dis-
cerni, numerarique faciliè possent; pauci illorum loricati,
plures Semiermes, sagulis gausapinis pubetenus recti, o-
mnes

omnes, autem inferni aspectus, homines parcè, perulati decades, equorum clitellariorum Saccis ad manubias asportandas, oneratorum post se trahentes. Quamvis autem libratoribus interdictum fuisset, volatica hæc agmina globis volucris perere, ne formidinem bombis superuacuis faterentur; cum & canes timidissimi vehementius latrare dicantur; ultra vetitum tamen tormenta currulia, non irritò Successu exonerata, longius eos à Septis Ciuilibus amouerunt.

Nocte appetente Incendiarii aliquot à præside Urbis cæca ianuâ emissi, faces ædificijs antemuranis. (ne hostibus receptui forent) subdiderunt. Momento igitur temporis omnes tabernæ diuersoriæ moenibus vicinæ, ædesque materiatae per hortos proximos, amœnitatibus æstiuis structæ in flammæ abierunt, suisque ignitis ardoribus, velut coronâ vallari, Urbem cinxerunt. eadem inelementia lori-pedis Vulcani, Sacellum minus, memoriæ Crucifixi dictum, haustum, periit.

24. Septembris. Summo manè Czausus Soltanicus portulam Ciuitatis Orientalem equo aduectus, intromitti se petijt. Admissus Herum suum Regulum Tauricanum, beneuolentia primùm cum Ciuibus certare constituisse, Ad quam prolixius contestandam Protonotariū suum intimum sine mora missurum dixit. Ciues quoque hanc eius propensi animi significationem dexterâ manu sibi porrectam, si itidem dexterâ recipere voluerint, aliquot Primores Ciuitatis ad colloquium mutuum designarent. Re in Senatu bellico, Ciuiliq̃ ventilatâ, non irritandos crabrones Vniuersi censuerunt. Statimq̃ par Consulū prius à me nominatorum Ciues aliquot armatos, & Fridericum

cum Megelin legatos suos expediuerunt. Qui foras egressi, in curia seiniusta fossæ Urbicæ proximâ, mali commatis transfugam Morausciûm profugorum è Lithuania Tartarorum authorem, cum aliquot Crimensibus Tartariis equis insidentibus offenderunt. Hic à Hano Ciuibus salutatis, multum super pòtentia Othomanica, ipsiusque Cæsaris benignitate, Diis immortalibus æquali blaterans; Polonorum autem triste supercilium, enormia tributa exaggerans, exemplo Urbis Camenecensis, deditionem Ciuitatis in manus Turcicas; persuadere laborabat. Hano ad eam rem operam suam, Vadimoniumque per eundem promittente; verùm cùm Léopoli neminem sui similem perfidus homo inuenisset, irritus legationis abiit. Hano tamen pro eiusmodi studio gratiæ amplissimis verbis actæ.

Adultâ die Signa Turcica auro Vibrantia in conspectum venerunt. Rara illa quidem, verùm subsignano milite frequentia: pedestres manipulos Ianisarorum sub labaris expansis, Tribunus illorum, Ianisaraga ducebat. Horum terga, operæ castrenses, fultores, fabri, cunicularij premebant; quorum in medio machinas murales viginti, multa paria bubalorum trahebant; rem tormentariam, cibariam, aliamque supellectilem bellicam greges sarcinarij Mulorum, Asinorum, Camelorum ferebant: claudibat prolixum agmen Satrapes Kaplan Basza; equo Thracico basilicè constrato sublimis; coram quò vice Præambulonis, Camelus ingens, telâ auro texta genua ad usque coopertus ducebatur; qui dorso suo gibboso librum elephantinum ex delirijs Machometicis confarcinatum gestabat. Hunc Turci transeuntes, velut Baiulum Isidis mysteria portantem, nonnisi capite prono circuibant.

Pane

Ponè illum signifer Vexillum grande prasinum, literis cubitalibus charactere Arabico scriptis conspicuum explicabat, latera duo pilani iubas candidorum equorum contis suspensas gestantes stipabant; à tergo concateruati Ianifari, sclopetis longioribus velut ad prælium instructi sequebantur. Interim dum Purpuratus oculos aspectu Vibis eminus pasceret, metatores castris stationes regionatim designabant. Turci loca confragosa, soli orienti obuersi, tentorijs versicoloribus occuparunt; in quorum mediotualio conopeum laxum castello non ab simile, erectum est, intrò multis menianis foriculis, conclauijs distinctum, extra septo continuo clausum. sedes ipsi Purpurato, militibus Prætorium futurum. Collinas conualles Austrum respicientes, Moldaui, Valachi, Transyluani, suppetiæ Clientelares Turcarum insederunt; Tauricanus Dijnaltes cum numerosis Hordis, in partibus diei cadenti vicinioribus, mapalia fordida posuit. Petrus Doroszenko.

Lucanus. *Vir ferus, & Regnum cupienti perdere fato sufficiens.*

Spartacos suos, veriùs quàm Cosacos ad Aquilonem collocauit, taliqùe modo statius in orbem dispositis Ledopolim non terreis aggeribus, sed viuis corporibus vndiq; circumvallarunt, omni exitu introituqùe ad eam præcluso.

Tam Portentoso Gigantum Exercitui Politarches Vrbanus, idemqùe Polemarchi absentis Vicarius, defensorum manipulos numero Viribusqùe minores opposuit, illosqùe quadripartitus est in obuersa Orienti, castrisqùe Turcicis plaga, vndè Ciuitati maxima perniciēs impendebat. Ferdinandum Lechner, germanici Spiritus Virum, ad meridiem; Vrbanum Czechowicz, Martij animi iuuenem, Versùs occasum; Boreamqùe; Ioanem Studnicki,

explorata: Virtutis Tribunos suis cum centurijs constituit. In Emanforis quarti locum, Andream Szymonowicz, quiduis agere, & pati promptum surrogavit, stationemque illi cum leone vigili ad omnes subitaneos casus, ante Prætorium assignavit. Armilustrio itaque peracto, postquam ex albo Decurionum, nonnisi Mille capita Civium; stipendiariorum verò Quadringenta esse recensita constitit; in tanta paucitate propugnatorum, pluribus potioribusque metu dilapsis, servitia etiam mediastina; necnon Oppidani, Paganique convenæ, rutris, dolabris, sudibusque præustis accincti, Procubitibus intercalati sunt; quorum plures agrestes, rastris non castris assueti. Omnes autem sine penu, & pecunia à Conquisitoribus coacti, faciliè pabulandi gratiæ stationes deserebant. Cui infrequentia Rectores urbis obviam ituri, Curatores rei frumentariae constituerunt. Qui absentium Civium, promptuarijs excussis, è fare, quidem panes clibanis aliquot tostos, è polenta verò Pultibus, oleribus, aliisque legumentis pulmenta, cocta, inter bellicosos illos frugiperdas distribuebant, buccellatoque stipendio auctoratos agrè in officio continebant. Postmodum Armidoctores Astici re accuratius expensâ, videntes Urbem, contra Vires Asiatici Gigantis, tenui tibicine sultam; deficientibus humanis Subsidijs, diuinam opem suspexerunt. Quapropter Vniuersa templa, noctes atque dies patefacta, Supplicationes ad omnia Diuorum pulvinaria indictæ, vota publica Tutelaribus, Indigetibusque Urbis nuncupatæ; siderum Regina, contra Noctilucae Turcicæ, excidium Vrbi cornibus suis minantem inuocata; aliaque placamenta iræ divinæ instituta; Ad quæ sexûs sequioris, imbellisque turba,

non

non ære canorò, (cui silentium hostis indixerat] verùm
tonitruis bellicis interdita, globis autem fulgurantibus noctu
conuocata frequens aderat; ibidemque mulieres, non
Adonidis, interitum [vt apud Prophetam] sed Parentum
liberorumque suorum crudelia fata depiorabant. Seniores
uerò intimis suspirijs, tacitisque gemitibus auxiliares manus
supernorum Cuium implorabant. Ne autem stationarij,
quoque obtentu pietatis signa deferrent, IESVS
CHRISTVS sub Velaminè panis, à ministris suis per moenia
circumlatus, bis in die Circitoris vices obibat. Spirituque
Oris sui Tyronum manus ad prælium, Veteranorum
digitos ad bellum pro gloria Nominis sui susceptum armabat,
animabatque. Facile itaque Leone Duce exercitus
Ceruorum Victoriâ potitus est.

Primis tenebris diem subsecutis, Designatores Turcici
aggeres fabulosos, in campis Prochodochijs Sancti Spiritus,
per suburbanos Neapolim quondam somniantes erectos
contemplati, in prominenti vnus, quatuor tormenta ærea
contra Urbem direxerunt.

Cæpta autem luce, vt tutius suggestus bellicos ex alijs
partibus excitare, machinasque murales in eis collocare;
Ciues verò à iactu missilium cohibere possent, legatione
eos Ductor Turcarum aggredi statuit. Neque diu cunctatus,
per caduceatorem iu urbem missum, duo tela in armamentario
habere se denuntiavit; alterum clementiæ amicis,
indignationis alterum hostibus destinatum. Vtrum
Ciues horum elegerint, quantocius aperirent? Cuius re
cum Præfecto armorum communicatâ, Delegatos itidem
suos ad hostem expedire placuit. Selecti ergo ex Ordinibus
sex Viri, postquam tentorium eius, Augustali Regio par,
introdu-

introduci fuissent, inter greges exoletorum, catamitorum-
que cum Magistris rei tormentariae sermocinantem Ka-
plan Baszam prævenerunt, breuique salutatione data, &
accepta (vt barbaris est mos) charisteria esculenta ei ob-
tulerunt, quatuor videlicet panes similagineos grandicu-
los, decem grumos saccari Indici, & mellis puri pro hy-
dromeli conficiendo vasculum. At ille collaudatâ Ciui-
um hospitalitate, non aded se famelicum in has oras ve-
nisse intulit, vt oblati hisce cupedijs meli, mellisque fa-
mem domare, aut sitim sedare velit; aliam sibi inesse ma-
iorem orexim, quæ nonnisi deditioe Urbis expleri possit,
stomachumque struthionis ferrum consumentis se habere;
ideoque ferreas claves illum esurire asseueravit. Proinde
nisi feras Portarum, ipsasque Portas Ciuiratis potestatis
sue esse voluerint, facerent illicò, macteasque pueriles li-
beris suis ieiunis retroferrent, se pro huiusmodi libamentis,
bolos illis chalybeos breui redditurum dixit, simulque è
conspectu illorum in secretius conclaue sese proripuit.
Cum verò legati, Cubiculario eius sese expurgantes, Re-
gij Iuris Ciuitatem, alieno Domino se proderè saluâ fide
non posse allegarent, induciasque in aduentum Regionum
Delegatorum dari sibi exposcerent, nouissimè vt saltem
lautia in vim Xenij oblata, gratâ manu recipere dignaretur,
rogarent; Cubicularius responso ab Hero petito, con-
festim legatos cum suis scitamentis in malam rem abire
iussit. Tam inhumano responso illi consternati, non-
dum è castris Turcicis pedes extulerant, cum iam toni-
trua hostica, raucum reboare, pilasque ferales intra Urbem
displuere audirent; vt vix inter horrendos stridores voli-
tantium glandium, submissis capitibus salui intra moeniâ

D.

quaeserint.

euaserint. Neque aliam resalutationis formulam sperare debuerant à Thrace inurbano, cui ipsa natura pro virtute impetum, pro magnanimitate feritatem iniecit; morem ergò gerens feritati suæ Kaplan Basza [quod agnomen à Tigride per eum mutuarum, mihi quoque in Tigranem mutare licebit] totus in feram nominis sui versus nullam sibi, nullam obsessis requiem nocte dieque dedit. Eapropter antequam eum dies defecisset, continuò tonare, fulgurareque non destitit. A prima autem vespera, tota nocte sphæras incendiurias maiore terrore, quàm noxa, è collibus vicinis supra tecta domorum iaculatus est. Verùm benigno Numine ita volente, omnes ollæ Vulcaniæ in ignes iustorios abiêre, iucundum spectaculum, nullum damnum Ciuibus ex se dantes, præter duos Cornicularios in stationibus speculatorijs violentiâ tormentorum membratim discerptos. Per eiusdem noctis tenebras, Turci ultra Castra sua, duobus in locis machinas murales moenibus Ciuitatis, cominùs admouerunt; in ipso autem Supercilio collis Szemberciani, sedem tormentariam, Bateria vulgò dictam, festinato opere ex cespitibus eduxerunt, in eiusque vertice quatuor tormenta obsidionalia collocarunt. Nec segniùs Doroszenko, cum suis sequacibus, in ima collis crepidine Georgitani, duos tumulos fieri, verticibusque illorum aliquot bombardas campestres imponi fecit; quarum è faucibus bolos ferales, contra Rulsica etiam Stauropægia eructaret. Eiusdem noctis conticinio, duo Cretenses Itali, Turcica ex a tula elapsi, intra incenia recepti sunt. Qui inediâ, diurnique ærumæ emacerati, bucceam panis ante omnia poriggi sibi orarunt; cuius nemicam quidem in contubernijs Turcarum, à multo tem-

pore

pore se gustasse deierabant. Obsonijs ergo vtcunq̃ refe-
cti, locò gr̃atitudinis libratoribus Vrbanis monitum dede-
runt, ne tentoria Turcica in aprico collium fixa, vt pote
habitatoribus vacua, tantumq̃ ad frustrandos tormen-
torum bolos, per speciem ictibus opposita impeterent; sed
potius per conualles, sinusq̃ lacunosos exporrecta ho-
minibus frequentia ferirent. Et quoniam ex Gr̃aculis illis
esurientibus, vnus Italo perfusus aceto, non seruilia sapere
videbatur; seorsim à Proconsule requisitus respondit.,
Cæsarem Machmetem in tentorijs ad Castellum Buczacz
fixis, cum Satrapis spadonibus, Draucisque suis dies al-
bos vivere, post Camenecum dormienti sibi in nassam
illapsum, leporibus, dorcadibusque retia tendere, seque
quotquot eunt dies, Hierarchium, Hierosalionumq̃ au-
cupio oblectare. Ceterum tanquam strepitu armorũ suo-
rum totam Poloniam debellasset, aut in arce Camene-
censi clauces ad reliquas Regni Ciuitates inuenisset, mo-
ram legatorum ad se destinatorum, pro contumelia acci-
piens, vnum è purpuratis Kaplan Baszam, cum L. M. se-
lectioris militiæ ad subigendam Léopolim misisse, additis
ei Getarum, Dacorum, Cosacorum auxiliarijs copiis C.
M. excedentibus. Quam quidem colluuiem, ob Sæuitiam
annonæ, diũ loco in vno commorari non posse, Tarta-
rorũ prædatorias manus, excursions quâqua versũs facere,
cunctaque agere & ferre iam dudum gestientes.

27. *septembris.* In crastino dubia adhuc luce, omnes
insimul Beilux fulminatrices horrendum fragorem dede-
runt. Vt cælum ruere, solum è fundo mugire videretur.
Nec segnius obfessi è septuaginta machinis igniuomis, toto
die non tamen æquali boatu illis respondebant. Siquidem

Turcicorum tormentorum rictus, bolos è chalijsbe fusos : viginti quatuor librarum pondo egerebant, multoque, vastiores crepitus edebant; exiguo nihilominus damno, aut cristas Turrium superuolantes, aut summitates tectorum delibantes, propugnatoribus interim sub pluteis, loricisque solistimis securè defensionì aduigilantibus.

Eodem matutino, operæ Turcicæ binos accessus subterraneos, principio à statuiis suis factò, moliri cæperunt, alterù vbi colles vinearù molli se subducere cliuo incipiunt, contra munitiunculâ semifactam, claustrù Patrum Discalceatorum extra Urbem proiectum circumuallantem. Alterum per planum, viæ Temricianæ ad Parthenonē Virginiū Diuæ Claræ ducentem. Verùm, præfectus Ianisarorum, non expectato fossitio tramite, primus passu admissò Coenobium illud inuolâuit; cuius exemplum Ianisarij, inter densam plumbatarum grandinem sparsim, cursimque secuti sunt. Quamuis autem plerique illorum pillulis fistularum manualium (vix enim ducentis passibus à propugnaculis urbicis distabant) configerentur, vltimi tamen per calcata priorum cadauera in claustrum illud se receperunt; vbi cinctura muri lateritij totum cænobium ambientis, à missilibus Urbanis securi, cuniculum cæcum subter moenia Monasterij Patrum Bernardinorum ducere cæperunt, & per subsequens biduum alternis vicibus integri fessis succedentes, ad ipsum murum produxerunt. Quâ suffossione crypticâ perterriti claustrales, simul & aduenæ ibidem hospitantes passim dilabebantur; quin & Præsidiarij communi metu abrepti, stationes per flagitium deseruissent, nisi, à Machinatore bellico edocti, ex aduersa parte parietis foueâ excauatâ, aquisque repleta, technam hostilem contraria strophâ frustrati fuissent.

Magi-

Magistratus Ciuilis à quotidianis transfugis, vincula. Turcica elapsis edoctus, excubias castrorum hostilium, infrequentes laxasque incuriosè agere; præsertim forum rerum venalium, Bazar nuncupatum, non modo mercatu esculentorum, poculentorumque; verùm etiam institis mercium exoticarum, officinisque Collibystarum opulentum, duplici ordine in campos usque exporrectum, nonnisi ab vna decuria Ianifarorum oscitanter assèruari. Excursionem nocturnam adornare statuit; ad quam citius maturandam, Vrbani sine nomine Vulgus, cum Rusticanis furandi, quam pugnandi melioribus eum stimulabat. Qui singulis propè noctibus clam vrbe egressi à pascuis anterijs, camelos, bubalos, alinos, furtim abactos intra pomeria agebant. Quare communicato cum Gubernatore Militari consilio, quadringenti è gregarijs, secundarijsque Ciuium selecti, secundà noctis Vigilia extra moenia pseudothyro abierunt; quorum tanto plures mechanici, lixæque dulcedine prædæ illecti, numeros auxerunt. Hi dum silenti agmine, inter fossas summoenianas tempus irrumpendi præstolantur, fremorem murmurque multorum hominum obstrepentium, iumenta que stimulantium à longe accipiunt. Postmodum ab emissis speculatoribus certiores facti, quatuor murifraga tormenta ad quatiendum claustrum Patrum Bernardinorum, cum multo hominum bouumque labore machinatores Turcicos ad mouere, confertasque cohortes Ianifarorum præstò illis adesse. Eapropter in accinctos, prælioque paratos, velut in districtum Mucronem iucurrere, emissarijs nostris non est visum. Postquam autem suadentibus sideribus somnum, maior pars eorum in statua recesserat; tum demùm aggressores trifariam dispertito,

dispertito, præmisso valido clamore; tympano um, scilicet
petorumque explosorum fragore, in extremum agmen
irruentes ad satietatem ceciderunt, sub ipsam stationem
nocturnarum vigiliarum, more pecorum eos propellen-
tes. Nec nisi ab ipso limine castrorum Turcicorum pauci-
tatis suæ conscij pedes retulerunt. Quâ vociferatione in-
cursantium, & quiritatu fugientium semisomnes alij exciti,
lymphatorum more arma conclamare, equos sternere, sar-
cinas conuolare, mulis doruarijs supellectilem castrensem
imponere, & fugam spectare non destiterunt, donec
noctis tenebras confurgens aurora fugâset. Redeunte igitur
die, operæ quoque Turcicæ ad pridiana molimina redeuntes,
pars in aucto Monialiū muro, portulâ pertusâ infusâ, omnia
cubilia Veitalem infederunt, ex eorumque latibulis defen-
sores Monasterij Minoritarum, destinatis glandium ictibus
petebant. Alij aditum cæcum sub mænia Ascetica nudi-
us tertius inchoatum, continuabant; potissima autem pars
illorum aggere, fossaque transuersis per vicum argileti, e-
ductis quatuor machinarum currulium, ora in mandras
Patrum Bernardinorum obuersa, incessanter onerabant,
exonerabantque cum maxima obsessorum consternatio-
ne, & discrimine. Quod si enim libratores Turcici, in vno
eodemque puncto murum verbarare, perseverassent; breui
in terram illum arietassent; verum distinctos ictus recen-
tibus locis impingentes, nil nisi profundas cicatrices, in
plagoso pariete reliquerunt. Res tamen memoranda no-
vis annalibus, atque recenti historia calamum mihi trans-
uersum rapit. Duo claustra Cœnobitica, sub vno labaro
Diui Francisci CHRISTO militancia, aded infensè secum
concurrissè; ut nisi Præstitus Urbis superi, horumque Pri-
micerius

micerius Ioannes Duclanus, [cuius Mausoleum globi ho-
stiles venerabundi circumbant] suppetias venissent, procul
dubio è Parthenone Andronitidis, pernicies plotoplasto-
rum casui non absimilis illata fuisset; verùm Historio-
graphi, non Myllagogi stylum professus, ad captam narra-
tionem redeo.

Arcem Superiorem viginti Manipularibus incustodi-
am datam, pau'ò antè innueram; verùm ne hic sextans pe-
ditum, à Turcis omnia rimantibus circumueniretur, per a-
mica silentia noctis intra urbem deductus est. Confestim
ergò vacuam Ianuarij occupant, duobusque minoribus
tormentis ibidem relictis potiuntur. Verùmenimverò al-
teram hanc Acropolim Russicam hominum incuriâ, tem-
porum iniuriâ, sensim dilabi, exteri potissimùm nec im-
meritò mirantur. Gnari enim omnia in alijs Prouincijs,
bella, non tam manibus, quàm etiam moenibus sustentari,
aliquando profligari; solos Polonos neglectis Castellorum
munitionibus, fortunæ lubricæ, campi Domina fata sua
committere, quamuis satis superque vel ipsa Léopolis do-
cumentum ex se dederit, per cuius latus Regnum ter peti-
tum, ter saluum stetit. In vnaque Léopoli defensa, omnes
alias Ciuitates Regni defensas fuisse. Quippe magna etiam
bella velut telo, prima acie tanquam cuspide præacta mi-
nùs noxia sunt. Porro arx de qua mihi sermò, super tumu-
lum naturalem quasi manufactum, in excelsiore fastigio
per Casimirum Magnum, ante tria sæcula cæmentitio o-
pere structa, naturalique situ magis, quàm solertia huma-
na munita, diutissimè conatus hostium retardare, ipsaque
mora ac tædio numerosos exercitus conficere posset; vel
si vim adhiberent, ob arduum ascensum, priùs illis cum
anima-

animabus suis, quàm obsessis luctandùm esset. Sed hoc Præfiscini scriptum est. Ne arcis huius abiectæ opera interrupta, minæque murorum ingentes, in caput Ciuitatis aliquando decidant.

Interim dùm mortales non imitabile fulmen, iuxta Maronem imitati, factitijs fulminibus diu, noctuque adinuicem præliantur. Princeps armorum MICHAEL, cui fulmina belli Rex VLADISLAVS Léopoli quondam consecrauerat, [vt ait Epigraphe Hoplothece eiusdem Ciuitatis] secunda vigilia festiuitatem suam præcedente, veluti fracto displosa tonitrua cælo iaculatus, in castra Turcica effundens largum cum turbine nimbum, terruit urbem, sed magis hostes. Quorum Arioli fulmen illud sinistrum, tanquam ominosum exhoruere. Ciues vero pro salutari tessera suppetiarum, cum Archistratego militiæ Empijreæ cælitus venientium acceperunt. Præsertim sagaciores reuocantes in memoriam Patres Bernardinos [quos maximè Turci clam, palamque impetebant] duobus mensibus ante aduentum hostium, in apice turris suæ tinnulæ, venti indicem fixisse; cuius medio in æquore lemma cratitijs literis expressum legebatur, huiusmodi: Michael fecit Victoriam. Quem licet post casum pinne Prætorianæ, ne similem labem faceret, loco mouissent; multis tamen spes credula instinctu diuino, non humano, signū illud Victoriæ, à Religiosis Viris expositum fuisse, Diuum quæ Michaellem, cuius sub nomine Sodalitas militaris in templo eorundem erecta viget, opem suam per murmura cæli promittere persuaferat. Neque eos augurio spes bona suo fefellit. Etenim eiusdem noctis primis tenebris, vnus è Fecialibus ad Imperatorem Turcarum à Republica destinatis

destinatis, Illustrissimus Dominus Castellanus Volsynia
veredarium aduentus sui nuntium, & liberi commeatus
solicitatorem, ad Regulum Tartarorum præmiserat. Qui
è vestigiò per cubicularium suum Kaplan Paszam admo-
nuit; vt post aduentum caduceatoris Polonici, à coepta ho-
stilitate abstineret. Proinde oppugnatio Ciuitatis summo
studio, hucusque continuata, è priore feruore multùm re-
misit, rarioresque tormentorum crepuerunt bombi. Nox
quoque subsequens liberè à malleolis volucris transit.

29. *Septembris.* In crastino autem matutino, aureorum
verborum Nuntius à Kaplan Pasza, ore non manu ramum
prætendens oliuæ, in Ciuitatem venit. Qui præmissa breui
salutatione, Duum Viros Polonicos ad inducias cum Por-
ta Othomanica pangendas, in castris iam adesse significauit;
interim ferias armorum sacrosanctè ab vtrinque seruandas
indixit. Tunc primùm gemitus, rugitus, fremitusque,
belluarum bellicarum subitò conticuerant. At Ciues
diurnis nocturnisque excubijs fessi, portas, muros, speculas
remissiùs vigilatione tueri coeperant. Verùm Proconsul,
idemque militiæ alticæ Præfectus, non nescius Danaos eti-
am dona ferentes, timendos esse; procubitores duplicare,
circitores aliquoties per noctem recensere, è seruitijs Tur-
cicis singulis diebus in Ciuitatem sese recipientibus, confi-
lia hostium expiscari; nonnullis Ciuium velut in portu na-
uigantibus, importunam eius diligentiam clanculùm su-
gillantibus. ceterùm non frustra fuit eiusmodi circumspe-
ctio. Nam indicio vnus fugitiui innotuit, Turcarum o-
perarios suffossionem sub moenia Patrum Bernardinorum,
coeptam, in obseruabili silentio continuare.

Quamobrem Religiosi, ne explosionibus sclopetorum

E
sancti-

sanctitatem induciarum violarent, lapidatione, contra dolosos Sinones institutâ, multos ex eis saxis desuper iactis afflixerunt; subterrâneos verò meatus aquis superfluis inundârunt.

30. *Septembris.* Noctem pacatam, dies pacatior excepit; quâ ineunte, Nobilis Dominus Ioannes Wieniawski, ob fidelem operam Regno toties præstitam, in Equestria receptus, tum quoque legationis memoratæ internuntius, præsto adfuit. Ciuesque de mane in Curia Comitia de capitibus suis agentes, aduentus Illustrissimorû DD. Francisci Lubouicki Castellani Volhyniæ, & Ioannis Szumowski Proquestoris Thesauri, legatorum Regni certiores fecit. Ad quos ut Ciues interuentores suos, lytri que (sine quo hostes nullatenus obsidionem soluere voluerunt) sanctores ablegarent admonuit. Huic pro eiusmodi Euangelio gratiæ ab omnibus habitæ; Lytro autem vniuersi, velut oestro perciti, dissonis vocibus obstrepere cæperant, vociferantes Léopolim Reipublicæ patrimonium, non Ciuium esse; se incolas illius à singulis capitibus, focis, agellis, quotidianas indictiones stipendiarijs eius pendere; exindè Rempublicam gregem suum, per se quotannis consum, emulctumque, vel ferro per Militem, vel auro per Quæstores suos, è manibus hostium eriperet. Fortunas Ciuium binis prioribus enormibus redimijs, nimium attritas, iam pridem animam egisse, nihilque sibi spoliatis præter arma superesse. Horum acie, vel in libertatem se vindicaturos, vel residuum sanguinem Patriæ propinaturos. Protoconsul contra torrentem Vernaculæ multitudinis, obniti importunum ratus, negotium quoque capitationis ad omnes incolas Urbis pertinere intelligens, amplissimi Sacerdotij Collegas binos, tum temporis præsen-

præfentes, vnà cum Præpofitis Familiarum Religiofarum
inCuriam per accenfum fuum advocari curauit. In quorum
præfentia, populiq̃ue frequenti corona, verba eiuſmodi fe-
cit. Faâto hîc magis,quàm confulto opus, vbi falus omni-
um in acie nouacula poſita, vltimum iſtum expectat; non
dùm quidem in manus hoſtium venimus, at ferro illorum
vndiq̃ue clauſi, velut victimæ in cauea propè diem ma-
ſtandæ detinemur. Neq̃ue nos lætet Machometem Ty-
rannum Othomanorum, poſt Camenecum terrore nomi-
nis ſui expugnatum, ad intercipiendum alterum Ruſſiæ ocu-
lum, partem copiarum miſiſſe. Ipſum autem cum reliqua
fortunæ ſuæ mole, ſub Papilionibus citra Buczacz fixis, no-
bis imminere. Neq̃ue inde pedem moturum, Cameneco
niſi capto additâ Léopoli; vt frequens rumor dicit. Non
ignoramus etiam, quantum Poliorcetes iſte poſſit in ar-
mis? Quot chiliadas validiſſimarum vrbium imperio ſuo
ſubiecerit? nunc vnâ vrbem, neq̃ue manu militari,
neq̃ue munitionibus ad regulas recentis architectonices ſtru-
ctis, ſatis firmam, in poteſtatem ſuam redigere non potu-
erit? vndè nobis tot Myriades recentium ſubſidiorum ad
reſiſtendum, vt nuper Candia venturas ſperamus? Vbi
tantam copiam annona, ad trahendam obſidionem, vt
quondam Famaugusta fecerat habemus. Cùm de ſuppe-
tijs ex Vtopia nobis venturis, non niſi Nuntios, eoſdemq̃ue
mortis anteambulones, globos nimirum Turcicos, ſingu-
lis momentis accipiamus. Quocirca à mortuis Doctõribus,
vſuq̃ue rerum Magiſtro dudum edoctus, arces quaſuis im-
paribus viribus defendendas ſuſcipere, idem eſſe, quod pro-
dere, parendum eſſe neceſſitati [cui Dij etiam parere di-
cuntur] neq̃ue temerè Cerberaſtros iſtos irritandos; quin

potius offa obiectâ, placandos censeo, satis illustre documentum constantis fidei, Orbi Polono dedimus, quando singuli cum centenis pugnantes, hostem adeo præpotentem, ne in viscera Regni penetraret, hucusque sustinuius. Verum illustrius dexteritatis daturi sumus, si quomodo-cunque seruata Lëdoli, domicilia Diuorum, cultum veri Dei, cara pignora, illisque cariorem Patriam à libidine barbarorum seruabimus. Hucusque illi iugulos nostros petebant, nunc crudelitate in auaritiam versa, quoniam loculos petunt; relinquamus in manibus Grassatorum togas, & sagula; ut ipsi nudi, dummodo incolumes euadamus; cumque naufragis strictum etiam ensen arripiamus; nemo cum sarcinis enatare potest, omniaque damna tempestate iactatis, minora naufragio esse perhibentur. Nos quoque lucridamno pleno exitum nostrum redimamus; auroque potius, quam sanguine ferrum Turcicum mitescere faciamus. In hanc sententiam cum tota concio [paucis musitanti-bus] pedibus iuisset; continuo ex omnibus tribubus Licitatores, verius quam Oratores designati sunt: nimirum Admodum Reuerendus Iacobus Gawath, Canonicus, Ioannes Anserides, Consul, Albertus Kupinski secundi subsellij Assessor, Gabriel Bernardinus Senior, & Sebastianus Szwarceuius è Quadraginta Viratu Vnus.

1. Octobris. Isti per Parochos Turcicos in statua legatorum nostrorum deducti, ambos sub vno Papilione prehenderunt. His ergo tanquam senatorij Ordinis Viris, omnium Officiorum per Ciuitatem debitorum testificatione facta, ad preces, & supplicationes versi, ne sibi, Conciui-busque suis, præteritis geminis lytris, quotidianis tributis, præsentique hostilitate ad factam mendicitatem redactis,

onus intolerabile redemptionis imponeretur; Sed potius
vt Respublica Satrapiam suam prope mille pagis frequen-
tem, Ciuitatem optimè de se supra aliàs meritam, in eaq;
Basilicam, thronumque Metropolitanum, Dicafterium cum
actis forensibus Nobilitatis, Armamentarium Regni, &
quod caput, libertatem christianam, hastis au-
reis, vel argenteis, è manibus emissariorum Turcicorum,
vindicaret, supplices orabant, ipsa aequitate causæ pro illis
perorante. Verùm neque acredulæ macritudo, apud Myt-
hographos, neque deprecatoribus rei domesticæ inacies a-
pud Patres illos patratos, veniæ locum inuenit. Idque
obtentu Reipublicæ contra armatum orientem inermes
manus tendentis, precesque supplicantium irritas facientis,
palam Duum viris aures Ciuium pulsantibus. Maiora
damna minoribus redimenda esse, capitisque integritatem
ignobilioris membri iacturâ. Denique sub specie persua-
sionis imperantes, vt periclitanti Reipublicæ potius, quàm
priuatis rebus consulerent; commune incendi-
um, communi opera, etli non sanguine, saltem lachrymis
contribuentium extinguerent; talique modo cursum Vi-
ctoriarum hostilium sisterent. Ciuitati autem pro omni-
bus dispendijs gratias seculares, immunitates à tributis
promittentes. Porro Ciues, conditionis suæ, cum mise-
randæ sortis asellis non ignari, Legatis potius quàm Turcis
vincas manus dare elegerunt, eosdemque à Castris Tur-
cicis ad statiuam Tartarorum [quo iam & Kaplan Pasza
abierat) proficiscentes secuti sunt; vbi ab Atrienfibus in
conspectum Turcici Scythicique Megistanum deducti,
ambosque submissis deorsum capitibus venerati; gratui-
tam missionem Conciuiibus suis, vt potè hominibus seden-
tarijs

tarijs, mercatu aut mechanicis artibus vitam tolerantibus, nulliusque noxæ contra Portam Othomannicam admiffæ compertis, eblandiri nitebantur. Verùm furdus fabulam narrabant; sumptus ingentes in rē ſtipendiariā, tormentariam, cunicularios, ob moram tot dierum profuſos, Turcis exaggerantibus, in hoſtico autem omnes hoſtes cenſeri reclamantibus; tandem ad indicationem redempti pretij ventum, quod purpurati illi ad Mille centies numinos aureos reducere conabantur. In contrarium Ciuibus extremam inopiam, & impoſſibilitatem obtendentibus, aggreſſionemque potiùs experiri, quàm depradationem adeò ſupinam pati non recuſantibus. Ad quorum quiritationem Kapſan Paſza excanſcens, lapides eiſmodi loqui auditus eſt. Importunè nimis clementiam noſtram imploratis, quam nuper vobis oblatam adeò ſpreuiſtis; vt etiam manus ſacrilegas victricibus copijs Domini, Pro-Deique noſtri intentare, auſi fueritis. Quo auſu ad iuſtam indignationem, vltionemque, Maieſtatem eiſ propè Diuinam prouocàſtis. Nunc demùm ſub iſtu, velut lupi in fouea poſiti, ſupplicès palmas tenditis, vltimo diſcrimine non uirtute ad id ſtimulati; verùm ſimulatas preces, aut metu expreſſas, neque Dij audire conſueuerunt, neque ego admittere poſſum. Quocirca adeò grande nefas, in Vicariam Dei maieſtatem patratum, vel capibus piandum eſt vobis, vel fortunarum omnium mulctatione. Ante aliquot denos annos, Coſacis ruris alumnis, & Tartaris circumpedibus noſtris tantùm non pellibus è corpore detractis, incolumitatem veſtram emercari eſtis. Nunc orbis Dominatori, niſi mille centies numinos argenteos leuiculis ſignatos (ſtipendiarij Leonis veſtri teſtibus) intra tri-
duum

duum numeraueritis; omnes simul sub hastam & gladium
ibitis. Tam truci responso Ciues peterrefacti, ne hiscere
quidem ausi sunt; Oratoribus tamen Regijs intercedenti-
bus, viginti mille nummorum deductionem è summa im-
posita obtinuerunt, confestimque cunctis venerantium offi-
cijs, Cyclopi minas spiranti exhibitis domos reuersi, cru-
stula esculenta, secundæque mensæ bellaria illi transmise-
runt; vt moram corradendæ pecuniæ in quadriduum sal-
tem concederet. Quâ ægrè impetrata, collationeque in-
singula capita vulgi etiam promiscui instituta, cum per
Collectarios vrbanos exactio eiusmodi lentè procederet,
Turci verò ad delicias Asiaticas festinantes, solutionem
instantissimè vrgerent; Præconsul in angustias redactus
[cui tergiuersatio omnis imputabatur] duos coactores à
Commisarijs supramemoratis impetrauit. Qui ad maio-
rem authoritatem officio suo conciliandam, duabus de-
curijs peditum assumptis, ab vno quoque Viritim Epice-
phalium illud manu militari extorquebant, cum summo
eiulatu plebeculæ, vitalem sanguinem eripi sibi quiritantis.
Vt enim verum fatear, Optimates Ciuitatis de tota Re-
publica desperantes, amorem Patriæ facis conclusum,
ad maritima castella secū asportauerant. Vicarij autē Fami-
liarum Asceticarum, Coenobiarchas suos cum Ciconijs A-
quileiensibus in tutiora loca migrasse causati, vasorum
sacrorum frustulenta, reliquiasque informes, parcā nec
quod satis erat manu conferebant (quæ Turci scrutarijs,
non ærarijs suis conuenire dictantes aspernati sunt) simili-
ter inquilini Baronum statûs vtriusque, tanquam extra sphæ-
ram Ciuitatis degerent, nullam symbolam dare volue-
rant. Solas itaque tamdiu vexauit censura columbas, donec
quin-

quingies mille nummos Belgicos, cum multo gemitu,
ab eis extorserit. Eodem tempore, quo Ciues censionem
Populi agebant, institores Turcici ante ianuam vtramq;
Quintanas aperuerunt, in quibus præter merces exoticas,
mancipia etiam venum exposuerant. Quod vbi Tartaris
innotuit, præter captiua seruitia, etiam vilia vendebant tu-
nicato scruta popello, quæ regionatim prædas agendo ra-
puerant. Nec segniùs Populus Ciuium fide publica fretus,
in nundinis eiusmodi, panes, pultes, caseos, butyrum, ali-
aque edulia (quorum in Ciuitate abundè erat) mercimo-
nijs transmarinis, vel reculis vtenfilibus permutabant.
In maximo tamen pretio, apud Turcas buccellæ panis ex-
cocti, & triticea similago fuit; cuius aliquot modios ipse
Tigranes (eiecto de fronte pudore) mercatus est. Per idem
commercium multi è vinculis scythicis sese expediuerunt,
vel vadibus datis exempti sunt. Nonnemo pietate Christi-
anâ motus, mulierculam cum puèro lactentes; quidam
Matrem trium liberorum nondùm adultorum; quorum
exemplo nescios fari aliquot infantes, are collatio extra-
nei homines in libertatem asseruerunt. Per eandem oppor-
tunitatem, vesperscente die, aliquot decades seruitiorum
Turcicorum, clanculùm portas Vrbis irrepserant; Turcis
plagijs venalitiarios scythicos insimulantibus. Sub ijsdem
inducijs, Proceres Turcarum suis cum trinalcionibus, ali-
quoties per diem urbem frequentabant, specie quidem re-
ceptionis pactæ pecuniæ, re autem vera vt latrantes sto-
machos gratuitò obsonarent. Proinde vt Muscæ esurientes
fiunt impudentes, sic illi ad obtinendum vulgare pulmen-
tum, supparasitari Ciuibus depuduerant. Fortè in idem
tempus, anniuersaria solennitas victoriæ de classe Othoma-
nica

nica ad Echinadas Insulas, centesimo abhinc anno partæ,
in Dominicam primam Octobris inciderat. Qua sodali-
tas Rosarij Mariani, cum triumphalem per Circum Ciui-
tatis duceret pompam, Turci vicina in æde modulatis
Vocibus turbæ prætereuntis excitæ, fenestras omnes tur-
matim complere, sodales primò sagis candidis, purpura-
tisq̃ cucullatos, duobus versibus incedentes; deindè a-
gmen muliebre longo ordine tractim subsequens admira-
ri, quid comitatus ille obsecrantium, cantantiumq̃ por-
tenderet, sciscitari? Postquam autem ab Astitibus publi-
câ illâ supplicationē ad impetrandam pacem bellique ex-
terminationem institutam esse intellexissent, preces quidem
eiusmodi Vniuersis gentibus salutare collaudarunt; cæ-
terum homines profani, & visis adhinnire puellis assueti.
Xenagogum sibiastantem sollicitabant; vt gregem illum
faminarum, iterum in conspectum suum redire iuberet,
quò diutiùs aspectu illius oculos emissitios pascere possent;
sed eodem momento ad hospitalem merendam à Paro-
cho inuitati, ieiunos potiùs stomachos, quàm prurientes
oculos placaturi abierunt.

Ad hanc diem vulturiones Scythici, quotannis Russi-
am scopare soliti, direptioni Ciuitatis inhiabant, circa
illam castraq̃ Turcica excubias agentes; sed quoniam.

*Non aries illis non ulla est machina belli,
Haud fossas implere valent vel scandere muros,
Pugna levis, bellumq̃ fugax, turmaq̃ vagantes,
Et melior cecisse loco, quàm pellere miles.*

Proinde quàmprimùm Turcorum animos ad pacta
ineunda propensos, subodorati essent; ne vacuis manibus
[quod apud eos capitale est] in Tauricam redirent; licen-

F tiam

tiam Prōuincias Regni rapinis, cædibus, incendijs, perpō-
pulandi à Regulo suo petierunt. At ille prosperam Lauer-
nam illis imprecatus Soltanum Muradinum excursionis
huius Antistitem, cum viginti Soltanellis Primoribus præ-
fecit; utque cum spolijs opimis, Lunâ plenâ ad se redirent,
præcepit. Quod ubi per Contubernia hostium fama distu-
lit: Tartaros anniuersarios Regni euisceratores, prædatum
ituros; multi Turcarum, Moldauorum, Cosacorum, inediâ
diuturnâ enecti, vel spe spolijs illecti, secuti sunt eos;
ut prædatoria illa manus, centena millia efficeret. Omnes
itaque post superatum Sanum natatu, in viginti agmina
distincti, vniuersos agros, oppidaque immunita ultra Iarosla-
uiam, Premysliam, Zamoscium, Sczebrzesinum, Tar-
nogrodum, consistentia, plagijs euastârunt, cædi-
bus funestauerunt, flammis inuoluerunt, Rusculis etiam,
prædiolisque procastricis, busta sua voluminibus fumi in
sublime elati deplorantibus.

Quamprimùm dies lytri exoluendi illuxit, duo Quæ-
stores Turcici Testeder, Nisangiet, ambo Acherontici Se-
nes, vnâ cum Batyraga Cyclopici aspectus Tartaro, equis
urbem aduecti sunt. Istis Oeconomi Ciuiles[more gentis]
varia tragemmata, cum tabifico tabaco apposuerunt.
Cuius fatido nidore, tubulis attracto, octogenarij Caprio-
nes assiduè cerebrum suffumigabant. Tartarus vero nu-
mismata computans, ne erosus argenteis intercalaretur
expendebat. Postquam autem non integram Myriadem
assium, prout sperauerant; sed dimidio minorem præsen-
tari comperissent; omnes Ciuibus Græca fide secum, mali-
gneque procedentibus acriter inculatis, ad Archontes suos
negotium totum recipere volebant. Verùm opportunè

Moriti-

Morstinus, & Konarzeuius, cum Soltânico Aga ad eundem
confessum superuenerunt. Transactum esse inter partes,
palàm referentes; vt ab obsessis summa quantacunque re-
ciperetur; in reliqua duodenos primæ classis incolas pi-
gnori darent. Pactio hæc, per Legatos de Ciuibus hosti man-
cipandis seorsim facta, summopere Ciues perculit. Actum
de se in oeculto multisitantes, & euitatâ Charybdi in scyl-
lam coniectos se querulantibus; quando Respublica propu-
gnatores securitatis suæ, pace circumuentos, velut asinos
olitoris, coriarijs in noxam dedere non recuset: per latera
sua Regnum toties petatum, in vnaque defensa Léopoli, o-
mnes circumiacentes Prouincias defensas esse neminem
ambigere; nunc locò niceteriorum boias, & pro laureis
compedes sibi rependi. Resumendam potius hostilitatem,
& in oculis Legatorum virtutis suæ testem, experimentum
gloriosius facturos; quàm seruiliter sub iugum Turcicum
ituros. Querelæ huiusmodi Ciuium, deditionem vnus etiam
contribulis sui facere abnuentium, vbi ad aures Pâcifica-
torum delatæ fuissent; Secretarios superiùs recensitos, ora-
tum tribus vrbanas miserunt, quatenus sæuienti fortunæ,
vanas sine viribus iras submitterent, vnâque decuriam
cuiusmodicunque Ciuium Reipublicæ periclitanti condo-
narent; taliq̃ auctario, ad cumulum præteritorum meri-
torum addito, immunitates, vacationesq̃ onerum publi-
corum ab Ordinibus Regni consequerentur. Aduersum que
vernacula multitudo inconditis clamoribus obgannire,
promissâ dapfalia in faciem facta aspernari; denique pro
delictis Superiorum, immeritò se ad pœnas trahi vocifera-
batur. Porro Consules non ignari, plebem exemplis ma-
gis, quàm præceptis ad ardua quæque impellis; capita sua

semel Patriæ deuota, nexui etiam Turcico subdituros se
declararunt; dummodò Religio Orthodoxa, penetra-
lia Diuorum, salus populi, integritas Regni, sarta, tecta-
que conferuentur. Verùm secundi ordinis Tribuni, prompti-
tudinem hanc Consulum, deuotionibus Curcij, Decij, Popli-
colæque parem, primùm collaudarunt, mox eidem inter-
cesserunt. Impium esse dicentes, columnina Urbis, quorum
consilijs res perditæ Ciuitatis restitutæ sunt, in Pontum re-
legare; ipsissimosque Patres Patriæ barbaris prodere; con-
sentaneum autem esse, vt ictum tam caris capitibus in-
tentatum, manus interpositæ excipiant; nempè vice Consu-
larium Virorum, imæ caræ inquilini aliorum deportentur.
Nondum dicendi finem fecerant, ecce tibi vnus illorum,
Andreas Szymonowicz, Doctor Medicinæ, face mentis
honestæ succensus, charitarem Patriæ omnibus commo-
ditatibus domesticis præferens, in voluntarium exilium
iturum se spondit. Exemplo illius Ioannes quoque Studnicki,
eiusdem subsellij Assessor, [causaria missione ob ætatem
ingrauescentem ipse obtentâ] Filium suum adhuc in præ-
textâ dignum rogâ iuuenem, locò sui substituit. Cùm verò
ex minoribus, Tribunis, nemo nomen prioribus spontè ad-
dere vellet; delectu viritim instituto, Andreas Dobricius,
cùm Eduardo Nencke Poloni; Gabriel Nicolai Bernato-
uicius, & Iacobus Iaskieuicius Armeni; Stephanus Laury-
szewicz, cum Petro Affendik Rutheni; & duo sine nomi-
ne verpi, arraboni futuro designati, viaticoque necessario
instructi sunt. Comitatu huic appendicem addidit, Io-
annes Czechucki, cognominem sibi Filium supernumera-
rium quidem, sed itinerantibus necessarium, vt pote Me-
dicinæ Doctorem.

5. *Octobris.* Postridie eius dici; postquam præfati ob-
sides longum vale Parentibus alijs, quidam Coniugibus,
nunnulli domesticis, Vniuersi autem municipibus suis di-
xissent; frequenti coronâ Ciuium, prosperum itum, reditum-
que illis apprecantium cincti, ad Ephoros Regios deducti
sunt; quos illi Antistiti hostium, velut hostias succedaneas,
saluti publicæ immolandas, præsentauerunt. Hic verò o-
culis toruis curiosè lustratos, nomenclatori suo in tabulas
referre mandauit; deinde Ianisarorum Præfecto in custo-
diam dedit. Et Christiani quidem necessitate pro virtute
vsi, pronis pedibus in Sententiam superiorum iuerunt. At
recutiti, ex cryptis quibus se illatebrauerant, per apparito-
res vrbicos extracti, necnisi obtortis ceruicibus in erga-
stula Turcica detrusi sunt.

Ijdem Ductores obsidum, scena priori peracta, locò
Epilogi, Tygranem Pasza æternum saluere, valereque ius-
serunt; eundem quoque venerationis cultum, Regulo Tar-
tarorum exhibuerunt; optantes ambobus, vt quampri-
mum è finibus Regni abirent, neque vnquam postea re-
dirent. Porro nasutiores Ciuium, ad statua etiam pro-
ditoris Patriæ, & animæ suæ, Doroszenkonis è via diuerte-
runt, specie valedicentium, animum eius sub vulpe latentem
introspecturi; ante omnia preces se à Propolitanis
attulisse dixerunt, rogantes; vt pro innata humanitate, li-
gnatores suos ædificiis flammis semiultis subdere prohi-
beret; subindè consuetudini inter hospites receptæ mo-
rem gerentes, animas quoque Cosacicas in sicco non
libenter habitare scientes; obbam Vini caustici ei ob-
tulerunt. Quo autem facilius gladium in nigris præcordijs
eius latentem prospicerent, poculo decumano ad Amy-
stidem

fidem illum prouocârunt. Neque enim oblatam potio-
nem, sanguinariae suae timens animae, primis labris attin-
gere voluit; antequam ei praelibaretur. Tum demum
simulatâ reuerentiâ, quam exuerat, cum vnum Cyathum
Regiae, alterum Imperatoriae saluti propinâisset, antiquam
ranarum cæpit decantare querelam, incusantium Ciconi-
as pro rostris suis perorantes, & de corijs ranunculorum
Comitia perpetim agentes; quod ab eo vtrunque acce-
ptum. Quamprimùm autem magnitudinem Procerum
Regni allatrare cæpisset, ingratas auribus auscultantium
caninas eiusmodi cantilenas esse aduertens; ad encomia
Ciuium sermonem flexit. Turci inquiring sine sudore,
Cameneco potiti, Léopolim quoque eadem spe deuora-
uerant, iamque manubias eius in antecessum cum Tartar-
is partiti sunt. Postdireptam, vel deditam Léopolim,
Cracouiam, etiam Lublinum, Varsauiam, ipsasque Bal-
thico mari Vrbes assidentes somniabant, pontes sibi ad eas
èruinis Camenecensibus struentes, verùm vbi in arenam
ad manus venissent, vixque oculis suis credentes, Léopo-
lim duplici muro, fossaque circummoenitam vidissent; ex
assiduis autem machinarum currulium explosionibus, fie-
quentiam defensorum, fistularumque manualium coilegis-
sent. Ianissaros quoque nonnisi quater mille in numera-
to haberent, aggressionem non ausi, assidere tantisper vr-
bi statuerant; donec cuniculis subruerent eam, vel globis
feruefactis inflammarent. Quod vtrumque vbi non succes-
sit, exploratores autem illorum, totam propè Poloniam,
citra Lublinum armatam, suppetias oblesis prope diem
venturam affirmarent; & quod cardo rei, scytharum a-
gmina, Turcici exercitûs columina, ad prædas pagatim
agen-

agendas dilaberentur. Kaplan Pasza auribus lupum diutius tenere nolens, facilem se in foedere percutiendo, lytroque paciscendo præstitit; multò faciliorem Legatos vestros eundem habituros, si consilia sua tempori accommodassent; vtcunq̃ue autem facta sunt, profectò vnam Léopolim, res perditas Regni nunc, & alias restituisse, neminem negare posse. Dignam ideò omnium Ordinum fauore, vberiori que quàm hactenùs remuneratione. Plura crocitare parantem, Commilitones eius capti nidore popinæ, interuentu suo præpediuerunt. Ciues quoque vt molesto contubernio latronum sese quàmprimùm subducerent, mentem Saniozem in corpore sano, Cosacis apprecati, cursim abierunt. Abeuntibus Misotheus potiùs, quàm Dorotheus ille vocandus, Christigerulæ Virginis Matris imaginem è captiuitate, Scythica vti referebat vindicatam, dono dedit, tota facie cicatricosam solo titulo Slauonice, inscripto venerandam; post partum Virgo Diua, post mortem Mater Viua.

6. Octobris. Hucusque Léopolis conclamata, omnibus animam agere videbatur; hodiè primùm Spiritum, vitamque recepit; quo Turcos receptui canere audiuit, castraq; retrò mouere conspexit, Adhuc, enim dubia luce tympano tubæ, liticinesque striduli, tesseram vasorum colligendorum, albescente autem die, labarum è prætoriano tabernaculo prolatum, processionis signum dederunt. Præmissis igitur cohortibus exploratorijs, in primo agmine fulmineæ machinæ maiores octo, minores duodecim, multo hominù, bubalorumque labore trahebantur; Ponè hos, cameli, muli, asini sarcinarij gregatim ibant. Hos lanisari concateruati sequebantur. Istorum tergis equites pilani, densis vexillis

xillis difereti imminebant. Valachi, Moldaui, Cosaci, latera, Tartari terga abeuntium custodiebant. Quorum postremi omnium pessimi, Ædiculam durateam, Principibus Apostolorum in ipso margine suburbij positam, succenderunt. Indicem discessus sui pyra huiusmodi contrerraneis sursùm versùm palantibus dantes. At Ciues tantisper à malis genijs infessi, nunc demùm liberati, alij domicilia Diuorum Tutelarium gratantes, ouantesque compleuere; animas suas, sicut passeris de laqueis venantium ereptas; laqueos contritos, se verò in libertatem dextera Domini assertos, cùm Vate Regio decantantes. Iuniores autem superatis cacuminibus collium eminentium, quantum acie oculorum pertingere poterant, terga hostium persequabantur. Egentissimi quique mendicabulis circumforaneis immisti, in ipsa statua hostium inuolantes, ruguria, Macellaque relicta diripiebant. Bustuarij autem Sepulchreta Turcica scrutati, è rancidis morticinijs illorum, sindones, linreaminaque detracta sibi aptabant. Cæterùm qualem vastitatem Ciuitati, hostilis manus inferre nitebatur; in tugurijs Summoenianis ad vivum expressit. Ruta illic, cæsaque omnia, ædes sacrae in stabula equina, mansionesque camelinas, asinariasque versæ. Ex Andronibus, Parthenonibusque religiosis, consistoria omnis turpitudinis facta; ipsa altaria diruta, sessibula semiusta, corpora fidelium loculis mota, canibusque ad laniandum relicta, statuae Diuorum varijs contumelijs, ludibrijsque dictu infandis affectæ, priuatorum domus pars solo æquata, pars igni data, prorsus à capite ad calcem in utroque suburbio nihil sani, saluique relictum, omnia pessundata, & proprijs cineribus sepulta. Sola Ciuitas per tres obsidiones oculis non manibus hosti-

um contrectata. fauore Cæli propitij, velut Virgò illibata,
permansit; vt sine iniuria, Flauiaæ acroama; per Scaligerum
scriptum arrogare sibi possit.

*Calituum Patria est, calum cui militat omne,
Vrbisq; Dei pro qua dimicat ipse Deus.*

Vt enim candidè fatear, cum primum molem exercitûs
Turcici, apparatus castrensem, gentes auxiliares in con-
spectum Vrbis venisse vidimus; reliquias autē Ciuium nu-
mero modicas, animo nutantes, circûspeximus, re exacti-
ûs pensiculatâ; nec Viris, nec viribus æquis, defensionem Vr-
bis nos suscepisse iudicauimus; mox vbi barbari franis fu-
rori suo laxatis, incessanter tormentis tonare, è mortarijs ful-
gurare, fossas ducere, mœnia subruere, assaultum adornare
cœpissēt; multi non tantum è vulgo phanatico, sed etiam ar-
morû periti, vitreis suis capitib; à grâdine Turcica timētes,
vanam sine viribus audaciâ, Rectorum Vrbis sugillabant;
illisque inuitis deditiōem se facturos, secretis sermonibus
iactabant; palâm vociferantes, Ordines Regni ad arma
conuocatos, & vix tridui itinere circa Lublinum degen-
tes, Léopolim deploratam sine vllis depulsorij copijs, ar-
bitrio fortunæ, fatisque permisisse; supra vires reputantes,
Vrbeculam derelictam, è faucibus Draconis Regna inte-
gra deuorantis se erepturos; quapropter obsessi ab omnib;
depositi, omnique spe auxiliorum aliundè venturorum e-
uoluti; quoniam maioribus animis, quàm viribus Patriam
sibi cum Diuis communem tuendam sumpserant; ad euo-
canda Cælituum subsidia, altaria ipsorum, ipsamque aram
indigentium glomeratim obsidentes, tamdiu supplicibus
gemitibus aures Diuinas pulsarunt; donec eundem præmi-
atorem obsequij etiam minimi, nomini suo exhibiti, ad

calionem prouocassent; ut defensorum honoris sui defensionem susciperet. De cælo itaque acrius, quam è vallo contra barbaros dimicatum est; nam cum globi urbici aliquot denos Turcarum confecissent, terror Diuinitus immissus, hostium animos ita consternauit; ut fugæ non absimilem receptum fecerint. post quorum recessum, quidam Ciuum metu exoluti, maximè verò proletarij, acerba collatione assium in redimias Ciuitatis emuncti, turbidos sustulerant animos; per triuia primùm secretò, deindè per circulos palàm quiritantes. Quotam partem Ciuum in tanto discrimine Ciuitatis, pro salute eius decertasse. Quotenos ad præsens delubra Deorum, penates profugorum, totiusq; Ciuitatis excidium vltimis fortunis vindicare; binos tantum Consules grandæuos, iamque obstatem rudem emeritos, Dijs Patrijs capita sua deuouisse; reliquos annis, viribusque integros, ad transvitulanas Prouincias abiisse, exemploque suo potissimam partem Ciuum, præcipuè iaculatorum; mechanicos autem, & mediastinos ferè omnes secum pertraxisse. Iamque illos in portu securitatis dies albos agere; nostrum, Patriæque interitum eminens expectare; se verò per singula momenta fati vltimis oblucentes, singulis horis animas agere; adhucne leres illorum; cuiusque casui relictæ, capitibus hucusque defensi, peculio paupertinorum à direptione hostili redimentur? & non potius bona primò occupanti derelicta, per Sectores publicata, in placamentum hostibus, stipendium præsidarijs cedent? ipsi autem desertores Patriæ, sui que patriciatus fugitiui, tribu moti, fascibus, sellis, trabeis exuti, inter Cælitæ referentur? talis Urbana factio sæua togæ, quoniam latius inter municipes gliscere coeperat; ne vniuersos corripere

riperet, moderator Urbis publicum Prætorium indixit; in
eiusque conuentu patheticè differuit; priuatos Ciues, in ab-
sentes Contribules nullumq; ius, nullamque potestatem con-
demnandi habere, neminemque ex eis capite parem sibi
diminuere, aut Consulares Viros inter ærarios redigere,
posse. Quare ut ab antiquandis nouandisque Magistratibus
abstinerent; neque in Conciues suos sæuirent, quin poti-
ùs ipsi ex ore Leonis erepti, debita gratitudinis obsequia,
Deo liberatori impenderent; ne tam insigne beneficium Di-
uinum, perforato animo haurientes, indignationem dispen-
satoris Euangelici inuictorum talentorum rei, conseruum,
autem suum ob aliquot æra minuta suffocantis incurrerent,
amicè adhortatus est; Verùm cum seditio inconditis clamo-
ribus parænesim eiusmodi intercepisset, neque plura loqui
volentem permisisset; Præconsul sine dicendi imposito
consilium dimisit. Nec ita diu postalter Consulum Ioan-
nes Anserides, ad factiosos redijt transijt, caputque suum
vulgò acephalo addens, ex vna Ciuitate bicipitem fecit.
Subindè secessione aperta à Præconsule facta, in seorsuo
conclauì perniciofa consilia coquentes, manifesta phrenesi
correptos se ostenderunt; dùm morelymphatorum, manus
violentas Medicis intentantium, in locum Præconsulis le-
gitimi [quia cum insanientibus insanire noluit] subditi-
tium Ioannem Sommer supposuerunt. Eodemque impe-
tu abortivum prætorem, Notariumque demotis cerebris
suis produxerunt. Candidatos ad subsellia Consularia, qua-
si vacantia, tumultuariè recensuerunt; aliosque vitiosos
Officiales, populari licentia potius; quàm Iure concesso ra-
ptim creârunt. Quæ deliria illorum, ut edicto basilico firma-
rentur, publicas preces ad Curiam expediuerunt; verùm

Princeps, commenta furiosorum subscribere, infra Maiestatem suam habuit; à quo repulsam pati, telas araneorum tenuisse se intellexerunt. Interim Præconsul clauum nauis Urbanæ, per se è decumanis fluctibus in portum subductæ neminem sibi extorquere permittens; compedes phreneticis comminatus, excubitores, stationariosque ad munia sueta redire coegit; absentibus autem Collegis, technas & fabas, quas cunq̃ue malè feriat Contribules, in capita illorum cudiſſent, scripto ad notitiam deduxit; tam diuque gubernaculum Ciuitatis retinuit, donec Assessores suos reduces, Regio diplomate dignationibus pristinis restitutos, in Urbem primò, deindè in Curiam, manu duxisset. Cui quidem Proconsuli, eidemque armaturæ Ciuilis Rectori, antequam Magistratu utroque abiret, Primores Ciuium, ob Ciuitatem ab externo, internoque hoste seruata, & Republicam pace belloque benè gestam, pleno modio verborum gratias referentes; pro adoreis, & sumptibus omnibus, in tanta angustia rerum, Præturam in annum subsequenter contulerunt. At ille gratantium vocibus obrutus, propalam contestatus est; non suis, neque alterius hominis viribus, aut consilijs, Léòpolim è manu Asiatici Tyranni [cui ad deuorandum exposita fuerat] ereptam esse; sed dexterâ Domini, eiusque Ancillæ Anciliorum Christianorum Promecondæ, peculiari intercessione, ex ipso limine mortis ad vitam reuocatam: proinde his solis, & se quotidianas gratias, quamdiù vita suppetet habiturum; quod suo sub regimine Léòpolim Diuorum, hominumque Patriam communem, subiugum Othomanicum venire non permiserint. Similiter & Léòpolis, ut ijsdem Patronis vindicias suas acceptas referret, statuiſque feriis diem eliberationis suæ quotannis celebraret.

braret; cohortatus est. Quod quidem Ciues in se, posteror-
que suos non grauatim receperunt: præsertim oculis suis, mani-
busque palantes, tam crebra Diuinæ clementiæ miracula
Léo post patrata; nec modò primùm, sed iuxta numerum
trium collum quondam à Rege sacrorum pro stemmate
illi donatorum, in ternis grauilissimis obsidionibus triplicata,
adeò; vt prodigia bonitatis Diuinæ alibi peregrinari, hîc ho-
spitari; aliorum riuos deriuare, hîc fontem perennem ape-
ruisse videantur; de cuius plenitudine scatebræ emicantes,
totam Poloniam non rarò inundârunt. Præteritis quidem
annis, si quis mihi domestico testi fidem negauerit, Gygan-
ti machian. Konderij, Reginam Podoliæ Kratufcij, exter-
norumque scriptorum aduersaria adeat; in quibus omnes
vno ore loquentes audiet. Serenissimum Ioannem Casi-
mirum Regem Poloniæ, è Silesia, [quò illum arma Suetica
pepulerant] reducem, cum nullibi in Regno tutam stati-
onem inueniret, Léopolim venisse. Ibidemque ante aram
Hodogetriæ MARIÆ VIRGINIS, diademate sceptroque de-
positis, solenne Sacramentum dixisse. Quo eandem Regi-
nam Poloniæ noncupauerat, eiusque clientelæ se, Regnum-
que suum subiecerat. Quam nuncupationem, subiectionem-
que à Deipara Virgine acceptam, fax supra altare eius ne-
mine impellente extincta, iterumque per se ipsam reaccen-
sa, prodigioso signo demonstrauit. Nec mora post Votum
eiusmodi emissum, fortunam Regni intermortuam, subitò
vitæ redditam, in vltionem sui validius consurrexisse. Mox
Victoribus victis, è folio suo iniquum possessorem deturbâs-
se, illudque Regi suo pacatum restituisse. Quæ omnia
floridus ille Cantor MARIÆ, Lyricis pedibus prosequitur;
ex Octonisque cladibus Suecorum, totidem trophæa armis,
signisq;

signisque Mariomastygiorū coruscantia, Stephanum Czar-
necium fulminatorem Polonicum retulisse, illaque Matri-
castrorum MARIÆ consecrâsse memorat. Cui si fidem
nondūm adhibuerimus, oculis saltem nostris adhibeamus;
quibus non sine lachrymis vidimus, omnes Ciuitates Regni
etiam primarias, in manus Suecorum, Transylvanorum,
Cosacorum, aliorumque minoris notæ hostium venisse;
solam & vnicam Léopolim, segregatam à Vulgo, ter à præ-
ualidis, numerosisque hostibus, oppugnatam, ter singulari
prouidentia Numinis defensam, nec ipsis quidem do-
mitoribus Orbis Turcis, copiam sui fecisse; Verū tan-
quam pupillam oculi intactam permanuisse; elogiumque
illud Pœtæ Cordubensis promeruisse.

Iam satis hoc nostra memorandum contigit Urbi,

Æternumq; decus; quod non impulsa, nec ipso

Serata mecu, tenui flagrantis in omnia belli

Præcipitem cursum, eēū murus æheneus obstant.

In cuius penetralibus, votum Regium publicè emissum;
quoniam præfati authores originem & fontem felicitatis
Polonæ fuisse affirmant; nec hucusque eundem exaruisse,
quinimò copioso domesticorum sudore, hostiumque cruo-
re exundâsse conspeximus. Quamprimū enim Léopolis
portas per obsidionem clausas patēfecisset, fortuna campi
Domina foras pereas egressa ad arma conclamauit; suoque
classico, copijs Polonicis animum pugnandi, hostibus fu-
giendi, indidit. Tum verò supremus Exercituum Regni
Imperator, coacto in vnum corpus milite, Turcorum, Tar-
tarorum, Moldauorum, Cosacorumque cuneos; plagia,
prædasque per Submontanas regiones [vti memorauī agen-
tes, animosè aggressus; multos illorum prælium ausos ce-
cidit,

eidit, plurimos lixabundos in vincula contexit, reliquos captiuis corporibus, scrutisque prouinciaticis raptis impeditos; magisque spolijs, quàm pugnae intentos, manubijs exiit, pedibus querere salutem compulit; dissipatosque per compita, & saltus, rusticanis mactandos obiecit. Etenim Nonarum, Iduumque Octobrium singuli deni dies, singularibus cladibus hostium nobilitati sunt; ex quibus aliquot Nobiliores delibabo, reliquis ad Creditores annalium Polonicorum amandatis.

6. Octobris. Et quidem pridie Nonarum Octobrium, captâ Ica in fruticeto Oppidi Krasnobrod. Batyzir, Murza, cum suo manipulo funditus profligatus, Sachtymir Murza in Vincula datus, Abus Murza pernicitate equi elapsus. A meridie autem inter confluentem Sani, & Porci fluminis, Temikarsy Murza, cum duabus equetribus legiunculis acie fusus, plurimos ex suis amnibus efusus haustos, ferro truncatos, in manus victorum datos amisit; impedimenta, omnia hostium, armentorumque greges pagatim abactos, primo occupanti reliquit, ægrè ipse cum aliquot circum pedibus volucris equo intutum euasit.

Nonis Octobris. Maior cædes grassatoribus illata, namque præfectus Vigiliæ à Lubaczow, Łazinski Tribunus Militum à Cieszanow Tartaros cum spolijs redeuntes, ferro occuparunt; primoque impetu turmas eorum manubijs onustas, quoquò versum diffilarunt, aliquot millibus victorum in libertatem assertis. Porro ipse Imperator exercitus, postremum agmen Dziambet Giercy cis Horinium affecutus, post breuem conflictum terga vertere, exuias abycere, campo cedere coegit. Multi ex ijs in vulneribus suis sepulti, plurimi in potestatem Victorum venerunt; vniuersi autem.

autem aspectu Polonorum fascinati, Euro ociores, quò pa-
nor quemque tulit diffugere. Ductor ipse agminis, ultimus
in prælio, primus in fuga pugnantibus tergum obuertit. .
Tohay Murza è fuga retractus, captiuorum tota myrias
vinculis exempta est.

8. *Octobris.* Posterus Nonarum dies Venationi ho-
stium, hesternæ strage disperforum, per arbusta, correctaque
latitantium; necnon conquisitioni puerorù à Tartaris dere-
lictorum, passimque per triuia errantium data; reliquum
diei, cadaueribus captiuorum à fugientibus barbaris ma-
datotum funerandis impensum est. Septimus Iduum dies,
candido Polonis, atro signandus lapillo Tartaris illuxit. .
Quo iussu Muradini vice Ductoris sui, Komarno Oppidum
pedites aggressuri, acie circulari cinxerant. Mox conspectis
Antecursorum equitatus Polonici turmis, obuiam sibi ten-
dentibus, rati excursionem Oppidanam esse, cum truci bar-
ritu in occursum illius ferebantur. At postquam Aquilæ Po-
lonicæ, collibus superatis effulserunt; buccinæque milita-
res cum tympanis, raucum concupere; subito terrore per-
culsi, velut fulminis ictu dispersi sunt; tu n verò Victores
fugientium tergis inherentes, in multam noctem promif-
cuis cædibus ad satietatem sese explebant. Hostes autem,
metu futuri periculi in præsentanea pericula ruentes, dàm
plerique illorum stagnum proximum nando superare nitun-
tur, à gurgitibus superati sunt. Nonnulli voraginibus præ-
rupti aggeris absorpti, maxima pars per agros sparsa, dàm
singuli dilabuntur, vniuersi comprehensi vel cæsi sunt, pau-
ci pernici fugâ præfenti exitio sese subduxerunt; inter ca-
ptiuos supra Turcos, & Tartaros, etiam Cosaci bipedum pes-
simi, recensiti sunt; quorum astutiores abiectis sclopetis,
penicu-

peiculisq̃ue caputū euulsis, vel præfectis, intra manci-
pia capta, occidionem euitare volebant. Verūm lupi sub
pellibus ovium, indicio aliorum compeditorum proditi,
sine vlla commiseratione trucidati sunt. Primores Tur-
corum, Tartarorumq̃ue in omnem casum reseruati; pecus
bucerum, equitiumq̃ue manubiale, militibus iure Victoriæ
cessit.

14. *Octobris.* Pridie Iduum Octobrium, Tartari diuer-
sis in locis profligati, quod optimum factū putabant, in
Vnum agmen Adzigerey, & Muradini satraparum conuo-
lauerunt eo consilio; vt euitatis campestribus, per saltum
Bednarcuicianum in Moldauiam penetrarent. Mox sal-
tum eundem densā concæde arborum implicatum inue-
nientes, Petrankam præteruecti, Kalusam evadere statue-
rant; Verūm Prouidus Imperator, helterna adhuc die
excitis Rusticanis, vt transitus syluestres obsiderent; ipse
quoq̃ue per lacunosas, salebrofasq̃ue semitas tempestiue
traductis copijs, hostibus à fronte occurrit. Vbi initio pau-
citate occurrentium Tartari contemptâ, contra eos ten-
dere neruos, & quo ferre velint permittere vulnera ventis
caperant, postquam autem signa Polonica densis horren-
tia pilis apparuerunt, buccinæq̃ue classicum cecinerunt, pe-
rituros prudentia prima reliquit; segniùs enim consilium,
quod antea damnauerant, in insidias sese spontè præcipi-
tauerunt. Quoniam syluam per se confragosam, iam agre-
stes sudibus, falcebusq̃ue armati infederant; omnesque exi-
tus illius infestos tenebant; à tergo autem.

Sanguineum manibus quatiens Bellona flagellum,
Cum vtricibus copijs Polonorum fugientibus intabat. Hic
Tartari inter sacrum Saxumq̃ue politi, vt exitium evita-
rent,

rent, perniciem sibi accelerârunt. Cum enim cuneo facto
aciem Polonicam perfringere, pluresque glomeratim eua-
dere potuissent; laxatis Ordinibus viritum fugam capessiue-
runt. Subindè alij sarcinis abiectis, qua data porta ruere.
Quidam ex equitibus pedites facti, in arbores præaltas
conniti. Alij in dumetis, & senticetis quærere latebras, o-
mnes autè in pedib; inermib; spè salutis reponentes, ipsi sese
profligârunt, & propè victos victoribus tradiderunt. Vni-
uersi enim à caluo ad caluum fugati, cæsi, captique sunt; si-
gna Soltanica in manus Victorum venerunt; spolia omnia
excussa, captiui supra decies mille pileis donati, campi vi-
cini, Sylvæque anfractus tabo hostium infecti, & cadaueri-
bus strati. Nunquàm aliàs post Stephanum Chmielecium,
malleum barbarorum, clades maior Tartaris supra hanc
illata est; quâ funditus quotquot erant, deleti sunt. Hæc e-
go extra Léopolim acta, eo fine recensui; vt non Pœticiis
commentis, sed indice admoto indigitarem, manifestum
Diuinæ Clementiæ argumentum Ciuitati exhibitum, & in
eliberatione eius à pressura hostium, & in hostibus qui eam
premebant puniendis.

Etenim. *Turca potens, Dacusq; ferox, Cosaciq; cruenti,*

Qui facere in iugulos nostros sibi lura valebant;

Ipsi succidaneæ victimæ pro nobis facti, iugulos victoribus,
panas nobis dederunt. Quamobrem, tam crebra propitij
Numinis beneficia, toties sibi præstita, Léopolis 1673 pro-
no animo exosculata, inter publicas gratiarum actiones Deo
quondam in carne, nunc in pane abscondito redditas, no-
vum diem festum factis suis addidit, illumque quotannis
cum Nepotibus suis post futuris, gratis recordationibus ce-
lebratam se spondit. Mox anno ventente, per templa
Sacrifi-

Sacrificijs Eucharisticis, supplicationibus propitiatorijs; in
Circo autem, Organicis modulatisque melodijs, festis igni-
bus, ludicris decursionibus, alijsque publicis Hilarijs cele-
brauit; Neue postgenitos celebritatis huius obliuio vnquã
caperet, Elogio per me composito, per Aediles suos in arcu
Prætoriano trabalibus literis exarato, anniuersarium eius
signauit.

*Dies venit, venit dies,
qua de comedente cibus, de forti dulcedo egressa,
vetus problema recenti illustrauit exemplo;
postquam fatis suis toties superstes Lêópolis
à Turcis, Tartaris, Cosacis, Moldauis,
arctissimè obfessa, acerrimè oppugnata,
iamq; ab omnibus conclamata,
Regum Regis miseratione,
Calitum Regina intercessione,
Diui Michaelis Archangeli manu
ex ore Draconis Asiatici erepta,
sibiq; postliminio reddita,
dulcedine pacis fruitur.
quid hoc melle dulcius?
quid isto Leone fortius?
Et hac super omnia.*

QVIS VT DEVS?

*eiusq; Militiæ Princeps Michael?
qui vt olim Lesconi aduersus Litauos,
ita nunc Serenissimo Michaeli Regi Polonia,*

*Homonymosuo contra barbaros suppetias veniēs;
in vna Léopoli, omnes Vrbes Regni tutatus,
victores Orbis à portis Urbis inuicta,
ipso strepitu armorum,
quacumq; habent armamentaria Cali,
inglorios retrò egit,
cui in hostimentum tot gratiarum,
grata Léopolis,
seipsam in trophaum obtulit,
diem eius anniuersariū inter triumphales retulit.*

Anno, 1674.

Eleutheria eiusmodi Léopoli celebrata, cordi Deo, eiusque Matri fuisse, breui subsequens novum, & nunquam ante in orbe Polono auditum prodigium palàm fecit. Quippè anno superiore Tartaris in recenti [vt aiunt] crimine castigatis, Turci violatæ fidei, periurijque rei impunè hucusque agebant. Quinimò Christianorum Deum, flagitijs suis in vtramque aurem obdormire, blasphemis sermonibus iactabant; Atqui virgam iustitiæ Diuinæ vigilare, oculosque eius conuiuere in tempus; nunquam autem obdormire; annus præsens ostendit. Quo Polonicus exercitus, florem & robur militiæ Turcicæ ad Chocimum stirpitùs excidit, & quasi triginta millia hostium vnam ceruicem haberent, omnes vno ictu confecit. Quodque miraculo propius, exiguo suorum, maximo aduersariorum damno, vt millena capita barbarorum, singula Christianorum pensarent. Tunc si quando virtus Polonica, Orbi Christiano se probauit; dùm alij eiusdem Matris Ecclesiæ filij, de vmbreis asint-

LIBER PRIMUS DE TURCICIS & POLONICIS REBUS

nis secum pertragædiarent, alij quod dictu fædum, fædera
à barbaris auro emergarentur; contumelias autem Christo,
eiusque sequacibus illatas, nullius pensi haberent; solos, &
unicos Polonos, militiæ Christi, nomina dedisse, solos pro
gloria Crucis, cum osoribus Crucis in arenam descendisse,
ex iisque Victoriæ palmarem obtinuisse. Cuius non mi-
nimam partem Léopolis, quamvis extra pomeria sua ob-
tentæ, ex eo sibi vendicat; quia Serenissimus Michael Rex
Poloniæ, festinatò ad eam veniens, velut aquila magnarû
alarum, pullos, Mauortios ad promptius conuolandum, e-
xemplo suo prouocauit. Vndè in Castra sub Gliniany posita
eas manuduxit. Indè verò auspicijs suis animatos, non sine
lacrymis & suspirijs dimisit, & tanquam Martium Spiritum
illis inspirasset, ipse post aliquot dies expirauit. Reuersus
enim Léopolim, dùm publicè incolumitatem exercitus,
per omnia adyta Diuorum superis commendaret; priua-
tim verò ad placandam Maiestatem Diuinam, Vigilijs,
precibus, & lacrymis, ieiunia quotidiana pasceret, in mor-
bum lethalem incidit; quem Regio animo exceptum,
nonnisi in peruigilio prælij sub Chocimo gesti, cum vita
finijt. Ad casum Regium Ciuitas perculsa sumptis lugubri-
bus in squallore & mæore dui perstitit, donec pervulgata
Victoria [quæ intra decursum vnus diei cum morte Re-
gia euenerat) à Praconibus Verbi Diuini in spem meliorem
erecta esset. Qui in concionibus, declamationibus suis
asserere non dubitârunt; Serenissimû Regem ad auxilia bel-
latoribus cælitus impetranda sublinem abiisse, & post im-
petrata in cælesti Capitolio triumphum agere. Nihilomi-
nùs Léopolis, magno sibi securitatē tã cari capitis damno
côstitisse, reputans; inter planctus & plausus, cupressos & lauro,
multos

multos dies atros egiti nec nisi aduentu Illustrissimi Exercituum Regni Ducis recreata, de luctu concepto aliquamtulū remisit. Cæterū modesto ille satis comitatu ē via Léopolim diuertens, nullum apparatus triumphalem aduenienti sibi fieri permisit; cū palām fateretur, Dominum vniuersi pugnasse & vicisse; se non nisi manus illi cōmodasse. Léopolis tamen, vt benefactis eius saltem verbis responderet, quæ obsequijs soluere non posset, in frequenti Procerum Regni ad iudicia recuperatoria tum temporis congregatorum Panegyri Victoriā summorum Oratorum facundia dignam, ore meo gratulata est ei. Quam populariter dictam, latialem postea redditam hīc subycio.

Quod tantopere inter vota, & suspiria, à Regnatore omnium Deo optabamus magis, quā sperabamus; vt conatus Turcarum per subiugatam Podoliam, pontem in vltiorem Poloniam struere intendentium frustraretur. Istud benignitate propitij Numinis, tuaque Heroica virtute Illustrissime Domine, hisce diebus consecuti sumus; quibus Othomanicum exercitum, ē triarijs, veteranisque in perniciem Regni armatum, ad internecionem fudisti; victoriāque ex inimicis Crucis Christi notabilem, in veterum, recentiumque temporum annalibus nunquā memoratam retulisti. Quod quidem Diuinæ clementiæ miraculum per Te patratum, non modò amplissimos Regni huius Ordines, debitis præconijs, adoresque profecuturos confidimus; verū etiam vniuersam Rempubicam Christianam in factos æternitatis relaturam non dubitamus. Vt memoria prodigij huius nunquam apud posteritatē Christianā extenuetur. Porro & nos anno proximè exacto, ex ipsis faucibus eorundē, barbarorum erepti; hornò autē à tyrannide eorundem, vmbone

bone Clypei Tui gentilitij protecti, ad primum Nuntium
Victoriæ partæ, omnes certatim ad puluinaria Diuorum cu-
currimus, antequæ aras illorum prostrati, Domino Exerci-
tuum gratum Pæana cecinimus. At quoniam Dijs thura,
Heroibus epiciniã deberi non ignoramus, dabis veniam,
Illustrissime Domine, in hoc publico omnium applausu, no-
bis in laudes Tuas presso passu euntibus, & ad decoratam
ampli triûphi, non nisi Verba tria conferetibus, quorû aliquan-
do summus Imperator Romanorum, inter pompæ fercula
prætulit titulum; veni, vidi, vici. Nam & Tu Illustrissime Do-
mine, in hoc agone stratiotico triduû immoratus, primo die
venisti, altero, vidisti, tertio vicisti. Nondû eni totus Eercitus
Polonicus, in vnum agmen conuenerat, vix copiæ M. D. L.
signis Tuis adunatæ fuerant; Tu moræ impatiens, præcipi-
ti in hiemen autumnus, vias salebrofas, loca paludosa,
agrè eluctatus. Quo Tua Te virtus, & Progenitorum Tuorum
Manes hucusque inulti vocabant, in hosticum venisti; cu-
ius glebam cruore Lechico non semel tinctam, si quis pede
fortiori pressisset, fortassis stillaret ater de puluere sanguis;
Tu tamen per Cannas, Trasimenosque Dacicos, per busta
maiorum exortus illorum ex ossibus ultor, in conspe-
ctum hostium uenisti. Et quâuis secuta die, Turcicum e-
quitatum ad omnem belli aleam accinctum, nec modò ar-
mis, verum etiam lorica terrea, machinis currulibus legi-
onibusque fulminatricibus septum vidisses; priusque cum
aggeribus quàm bellatoribus dimicandum esse iudicasses;
nihilominus quoniam exercitum tridui inedia coniectum,
atriduis Vigilijs fessum, diutius subsistere haud posse aduer-
tile; non ignarus perniciosiorem penuriam, quàm pu-
gnam militibus esse; heroicum facinus ausus, aggressionem
Castro-

Castrorum hostilium in crastinum decreuisti. Tertio itaque die Diuo Martino quondam Militi, tum Commilitoni Tuo sacro, copijs, equestribus pedestribusque in aciem eductis; hastatarum turmarum robore, procellæ equestri Turcicæ opposito; omnibus autem ad prælium Martio Tuo ardore, inflammatis, hostem vallo, fossæque præfidentem, manu militari velut indagine cinxisti; ipse pedes ante peditum cateruas ad oppugnationem præiuxisti, vnoque impetu velut fulminis ictu portis effractis, aggeribus superatis, hostibus ad internecionem profligatis, munitionibus illorum occupatis, Victoriæ sine exemplo mirandam, triumphû sine exceptione memorandum obtinuisti; ita vt ipse limitaneus Tyras, Lechico sudore, Turcico cruore tumidus, scuta, Tiaras, sarissas, aliasque manubias hostiles, per Euxinum deferens, tantæ cladis nuntius apud maritimas Ciuitates, ipsamque Constantinopolim fuerit; quem vt supremo Dominatori, Diuisque Indigetibus ex asse referres; post hymnû Eucharisticum, in Prætorio Purpurati tentorio, inter fulgorem manibiarum, clangorem tubarum. tonitrua machinarum, celeusmata militum, trophæum ære perennius DEO, in animis hominum erexisti. Diem festum Diui Martini, multò festiuorem in posterum reddidisti. Ipsumque in album Tutelarium Poloniæ, sanguine hostili transcripsisti. Nomen autem augustum Diui Ioannis Homonymi Tui, Imperatoris virtutibus augustius effecisti. Namque vt verum fatear, quotquot Archistrategi Sarmatici, Nominis huius baiuli cum Turcis bella gesserunt, singularibus, nec alijs concessis Victorijs potiri sunt. Vt autem exteros missos faciam, Ioannem Capistranum, Hunniadem, Austriacum, soli domestici dictis meis fidem adstruunt, Ioannes Tarnowski ad

Iki ad Obertinum, Ioannes Zamoyſki ſub Cecôra, Ioannes Carolus Chotkieuicz in hoc ipſo loco Turcarum Domitores. Verùm vt cum venia tantorum bellatorum, in capitoliò cæleſti iam triumphantium dicam quod ſentio; tam breui compendio, adeò cælo propitio, tanta parſimonia Sanguinis Ciuilis, prodigentiâ hoſtilis, vna acie bellum, multiplex cõſficere, palmamque ex adeò præpotenti aduerſario cælitùs deſapſam obtinere; iſtud nemini præter Te datum eſt; hoc vnum præ cunctis fama loquitur opus ſupra quod nullius virtus altiùs ire poteſt. Longùm itaq̃ue Victoriâ tibi diuinitùs conceſſa fruêre, per eiùs lauream, ad capeſſendam auream contento paſſu procede, neque Patriæ, Tuiſque fatiſ deeſſe veliſ. Quæ quoniam Rempubicam ſaluam fore ſtatuerunt, Te vnum ad ſaluandam illam elegerunt. Nos verò ſupplices, Victoriæ tuæ iſtius minimos appendices, currum tuum triumphalem non Pileatos [vt Romanis in more fuerat] ſed à quotidianiſ ſectoribus ſtirpitùs depilatos, prout à vulturibus Aſiaticis liberòs feciſti; ita à vulturionibus domeſticis elibera; neque pro munere Tuo Imperatorio permitte; Léòpolim totius Ruſſiæ propugnaculum, in mendicabulorum tugurium abire. Iam enim poſt enormia aliquot lytra, quotidianoſque Acricones, plures quàm in Belgio in ea oberrant Geuſij; & locò Bellatorum, ære diruti Belliſarij. D. Martinus Contriumpiator Tuus, in inopem in Porta Ambianenſi, laciniâ pallij, ſimulque Chriſtum togâ palmatâ amicuerat. Hoc idem Illuſtriſſime Domine facturum Te ſpondemus, poſtquam Leonem noſtratem ab Harpijs deſfloccatum, Scuto bonæ voluntatiſ Tuæ protexeriſ. Neque ampliùs opus erit Tibi trophæum, aliquod [quale olim Stanislaus Lubomirſki, ſub eodem Cho-

cimo, votum in Wisnicz crexerat] sternere; præter hoc monumentum gratiarum sæcularium, quod nos animis nostris, nunquam intermoris nominis tuo perenni inscripturos pollicemur.

Felices tua nos fecit Victoria Cives.

Verum ut aliquando finem inueniat scripta mihi obsidio, loco coronidis, votium illi addo parergon. Toto tempore Urbis obsessæ, nihil acrius animum mihi sagitabat, quàm publica Christi fidelium execratio; ne si fortè Metropolis Russiæ, me Præconsule in potestatem. Othomanorum venisset; infausto meo Vitimagistratui imputaretur; ideò præter humana subsidia, Diuina etiam suspexi; quotidie ante imaginem Ectypam MARIE Maioris (quam in lathario domestico, tanquam Oecophylatem ædium reuerenter habeo) animam cum lachrymis effundens, Sospitricem perditorum deprecabar; ut per intaminata ortus sui primordia (quorum memoriam Léopolis, tota Octoade quotannis festiuiter recolere consuevit) Patriam sibi nobiscum communem, in rapinam canum impudicorum abire non permetteret; nomen autem meum à diris sacris vindicaret. Maioris autem auctoramenti gratiâ, Claues Portarum Urbicarum ad pedes imaginis deposueram. Postmodum, voti damnatus, more naufragorum, qui picta se tempestate tuentur; super Iconem Tutelinæ meæ tabellam suspendi, cum Eologio eiusmodi:

*Magni Dei hominis, Magna Dei Parens,
magna Tibi fecit, qui potens est;*

Tu mihi, quæ pia es.


Ille Te ab omni labe peccati præseruatam,


In Ma-

*in Matrem Filij sui ordinavit;
quo nihil diuinius Tibi prestare potuit.
Nam Uni secunda DEO facta es.
Tu me ab omni noxa hostili seruatum,
in seruum Tibi deuinctum mancipasti.
Quo nihil est mihi dignius, & accidere potuit.
Seruire enim Tibi regnare est,
quoniam verò seruus tuus; quidquid possideo Tuum est.
cum stylo meo utroq;
& quo Léopolim ab hostibus propugnabam,
& quo Ciuibus eandem delineabam,
omnia mea, Tua sunt,
insuper quotquot Ciuēs saluos mecum seruasti,
tot Ciuitas à Nobis accipe,
tot seruos suppedaneos habe.*









Biblioteka Jagiellońska



stdr0010403



